





॥ ललि ॥

॥ १ ॥

ॐ नमो बुद्धाय ॥ ॐ नमो दश  
बुद्धबोधिसत्त्व श्रावकप्रत्येकबुद्धेभ्योऽ  
न्हापांरिगुदिशाआदिं अनन्तापर्यन्तलो  
सत्त्वपिं श्रावकपिं प्रत्येकबुद्धपिं हाकनं  
चंपिं सकलबुद्धबोधिसत्त्वपितनं नमः  
समये श्रीशाक्यमुनिभगवान् श्रावतीपु  
यास्य माहाजनयागु वगीचास दयेकात  
ज्जानाचोन ॥ मुमुभिक्षुपिंधालशा  
स्य ॥ विमलधयास्य ॥ पुर्णाधयास्य ॥ उरु  
यास्य ॥ नदीकाश्रपपधयास्य ॥ शालिपु  
यशीपुत्रधयास्य ॥ राहुलभद्रधयास्य ॥

दिगन्तापर्यन्तलोकधातुप्रतिष्ठितसर्व  
तीतानागतप्रत्युत्पन्नेभ्यः ॥  
कधातुस विज्यानाचंपिं सकलबुद्धबोधि  
न्हापाजुयाचंपिं लिपाजूवशपिं आजुया  
स्कार ॥ ॥ न्हापांपरापुर्वकाले छगु  
रधयागुनगरया समीपस अनाथपिडध  
वगु जेतवनविहारे भिक्षुसंघपिंसुंकावि  
॥ ज्ञानकोशिल्यधयास्य ॥ यशोदेवधया  
विल्वाकाश्रपपधयास्य ॥ गयाकाश्रपपध  
वधयास्य ॥ मोगल्यायनधयास्य ॥ मैत्रा  
आनन्दधयास्यभिक्षुप्रमुखं किंनिदोल

॥ स्तरः ॥

॥ १ ॥



भिक्षुपिं ॥ मेत्रिवोधिसत्त्वधरणिश्वरराजाप्रमुखं सुश्रुतिदोलवोधिसत्त्वपिं सकल्पं मुंका धर्मयाकथा आज्ञादयकाविज्ञा  
त ॥ ॥ थुगुप्रकारंगुलिकाल वितयेजुयावनं ॥ छन्द्यादिने श्रीभगवानंसहायाथं भिक्षुगणपिं मुंका आवतीपुरमहान  
गरं णाहविज्ञाना जेतवनविहारे द्वाहविज्ञाना सिंहासनेविज्ञात ॥ ॥ थवेसधर्मकथा न्यनेधका वयाचंपिंदेश  
२ यागजापिं राजकुमारपिं ब्राह्मण क्षत्री वैश्यशुद्रतीर्थिक श्रमण चरक परिव्राजक संन्यासि थुपिंसकल्पेदना श्रीभगवान्  
यास्योन्यवना थमंज्वनावयागु चीजवीजद्वक् दोहलपासत्कारयाना पुजामान्ययाना तोत्रयानातारिफयात ॥ धन्दे २ भग  
वानसंस्पक्तं बोधिशानलाना संस्पक्तं मुद्गुधायका सभालोकयात सेन्यकन्य याना गुरुजुयाविज्ञाकस्य श्रीशाक्यमुनिभगवा  
नधकानानाप्रकारं स्तुतियात ॥ थुगुकीर्तिसब्द क्षणमात्रनं स्वर्गमध्येपाताले परव्यांतजुल ॥ ॥ थनंलिश्रीभगवानं  
ध्यानंविचारयानास्वयाविज्ञात ॥ ॥ न्हापांइहलोक परलोक देवलोक ब्रह्मलोक नागलोकआदिं भूवनस वास  
यानाचंपिं देवमनुष्य पशुपक्षि कीपटंगआदिं दक्कप्राणि पिनिगुचित्तयागु चरित्रमुखदुःखदक्कंविचारयाना स्वयधुसं  
लि लोकयात आदिमध्यान कल्पाणजुइगु ब्रह्मचर्येयागु धर्म आज्ञादयेकाविज्ञात ॥ ॥ हेसभालोकपिं छि-  
मिसं प्राणियात हिंसायायमते १ मदपानयायमते २ रुढारवं ल्हायमते ३ कर्काधने लोभतयमते ४ परस्त्रीगमन याय



॥ ललि ॥

॥ २ ॥

मते ५ ॥ धन्यागुतोते फुसा छिमिसं ब्रह्मज्ञानलागा मोक्षपद लाइ धका श्रीभगवानं आज्ञादयका विज्ञागुत्पना सकलसभा  
लोकपिंखुसिजुया थव २ गुथानसंतुं ल्याहावन ॥ श्रीभगवानं थव गुध्यानांगारे द्वाहा विज्ञाना रत्रियावाचाजागु  
वेलस ध्यानयाना न्हापाजुया वं पिं विपश्ची आदिं तथागतपिसकलें लुमंका बुद्धा लंकारबूह धयागु समाधिजोगयाना  
चसुधालं सगाज्ञाना लोकालंकार धयागु रस्मिपिकया शुद्धावासकाइका धयागु देवभुवनेखयका महेश्वर धयाह्म दे  
वपुत्रपुमुखं असंख्यदेवपुत्रपित्त गाथावोना आज्ञादयका विज्ञात ॥ हे देवपुत्रपिं श्रीशाक्यमुनिभगवानं ध  
र्मउपदेशविया बोधिमण्डपमाहानगरे विज्ञानाचोन गथिं ह्म भगवान धालशा पापरूपी अन्धकारयात फुके धका  
धर्मरूपी सुर्यजुया लोकयात कल्याणयाना विज्ञाक ह्म ॥ हाकनं निर्मलतेजजुया शुभशान्तगु मनजुया सु  
निश्चरधायका ज्ञानया समुद्रजुया शुद्धस्वभावजुया धर्मयाश्चरधायका दक्कज्ञानगुणसिया मुनिस्वरपिनिनं इ  
श्वरजुया देवतापिनिनं देवताजुया सकलानं पुजायाका धर्मयास्वामिजुया चिनां चियमफुगु चित्तयात चिना मार  
यागुपाशं थियमफुगु चित्तजुया पापदक्कं फुका शान्तस्वभावजुया मोक्षवन्त्येगुज्ञानं पारंगतजुया वैद्ययाराजाजुया  
अमृतसमानगु धर्मरूपी औषधिविया पापरूपी रोगयातनाशयाना विज्ञाक ह्म ॥ हानं सत्पवादी शूरोजुया कुमार्गे

॥ स्तरः ॥

॥ २ ॥



चोना च्वं पिं लोकपित तापकना धर्मयाणासाजुया परमार्थज्ञानसिया लोकयातमोक्षवनेगु मार्गकना लोकयानाथ  
जुया विज्ञाना च्वं ह्य श्रीभगवानयागु सेवायाहुं धका गाथावोना चोयको धुसेंलि रस्मिल्याहावया श्रीभगवानया  
तपदक्षिणाया ना चसुप्तालेसंजुंलीनजुयावन ॥ ॥ थुखुहुयागतीस मुद्धावासकाइका धयागु देवभुवनेचो  
ना च्वं पिं महेश्वरधयाह्य नन्दधयाह्य सुनन्दधयाह्य देवपुत्रपुत्रं असंख्यदेवपुत्रपिं सकलेंमुना थथगु तेजपिक  
याजेतवनविहारेसकभनं तेजंखयका श्रीभगवान् विज्ञाना च्वंगु ध्यानागारेद्वाहाविज्ञाना श्रीभगवानयागुचरणक  
मलेभोपुया एकान्तोविज्ञानाविनित्यात ॥ ॥ हेभगवान्छलपोलं पुर्वजन्मे श्वेतकेतुवोधिसत्वधायका तुषिता  
भुवनेविज्ञाना धर्मउपदेशविया लिपा बोधिज्ञानलायधका मतीतया असंख्यदेवपुत्रपिंमुंका महाविमानेचोना  
तुषिताभुवनंकाहाविज्ञाना गर्भवासकया जन्मभूमिस वाललीलाया ना गुणज्ञान पराक्रमकेना लोकयात सिल  
पकार्य लिपिविद्या संख्या गणना शस्त्रविद्या धनुकविद्या आदिं चतुर्षथविद्यां सकस्यातंत्पाका अन्नपुरेविज्ञाना  
अनेकप्रकारं बुद्धयागुनाटककना लिपा छं पिहाविज्ञाना तपस्याया ना बोधिज्ञानलाना मारगगायात हतयेया  
ना शिगुबल हिंयागु आवेशिकज्ञानलाना तथागतपदलानाविज्ञागु ॥ हनं न्हापाजुयावंपिं पदमोत्तरधर्मकोतु दी



॥ ललि ॥

॥ ३ ॥

पंकर आदिं तथागतपिसं आज्ञादयकावंगुललितवित्तरयागु पुण्यकथा जिमित आज्ञादयकाविज्याहुं न्यनामात्रनंदेव  
मनुष्य आदिं सकललोकयात हितसुखजुद्धका महेश्वरदेवपुत्रं विनित्यात ॥ ॥ महेश्वरदेवपुत्रं विनित्यागु न्यना श्री  
भगवानं प्रतिउत्तरमविस्म सुमुकं विज्यात ॥ ॥ थनंलि सुद्धावासकाइका धयागु भुवने विज्याना चंपिं महेश्वरदेवपु  
त्रपिं सकस्यनं श्रीभगवानं प्रतिउत्तरमविस्म मौनभावयाना सुमुकं विज्यागु खना विनिलगयेजुलधका सीका हर्षमा  
नयाना श्रीभगवानयात पदक्षिणायाना चरणाकमलेभोपुया श्रीखराडादिचुर्णा पालिजास्वां मुकुन्दराज आदिं स्वां  
होला अननं अन्तरधानजुया थवगुभुवने सन्तुलिह विज्यात ॥ ॥ थुखुनुयागु वितयजुया प्रातकालजुसेलि  
श्रीभगवान ध्यानांगारं पिह विज्याना सकल सभालोकपिं मुना च्वंगु काशरोमराडल धयागु सभास विज्याना भिक्षुगणा  
पित निमंत्रणायाना आज्ञादयकाविज्यात ॥ ॥ हे भिक्षुगणापिं थउयागु रात्री शुद्धावासकाइका धयागु भुवने  
विज्याना च्वंपिं प्रशान्तयामि श्वर धयाह देवपुत्रप्रमुखं असंख्यदेवपिं विज्याना प्रार्थनायात ॥ ॥ हे भगवन्  
न्यापाजुयावंपिं दीपंकर आदिं तथागतपिसं लोकयात हितसुखयायेत आज्ञादयकाविज्यागु ललितवित्तरयागु धर्म  
कथा जिमित आज्ञादयकाविज्याहुं धका विनित्याना श्रीखराडादिचुर्णा पालिजास्वां आदिं पासलं होला देवभुवने सन्तु

॥ स्तरः ॥

॥ ३ ॥



ल्लाहावनधका आज्ञादयकाविज्यात ॥ श्रीभगवान् आज्ञादयकाविज्यागुनना बोधिसत्त्वपिं श्रावकभिक्षुगण  
पिं सकसिनंविंतियात ॥ हेभगवन् हेतथागत ज्वग २ देवपुत्रपिसं प्रार्थनायाना विज्यागु ललितविस्तरयाग पु  
न्यकथा जिमिसनं मन्यनानि छलपोलंजिमित आज्ञादयकाविज्याहुं धका सभालोकपिसं विंतियागुनना श्रीभग  
वानं उपदेशवीधकामतीतया प्रतिउत्तरमविस्से सुमुकंविज्यात ॥ इति श्रीललितविस्तरे निदानपरिवर्तेना  
म प्रथमोधायः ॥

[ श्लोकः ]

अस्मिंचलोके करुणात्मकानां निर्वाणमार्गोत्तमदेशकानां ॥  
मुदुर्लभं जन्मतथागतानां मतोहि धर्मश्च वरां प्रसिद्धं ॥ १ ॥

हेलोकपिं थुगुलोके करुणाया आत्माजुया माहाउत्तमजुया चंगु निर्वाणावनेगु धर्मउपदेशवियाविज्याशपिं तथा  
गतपिसं सन्सारे जन्मजू विज्याशगुदुर्लभ ॥ वसपोलपिसं आज्ञादयकेगु धर्मयागुकथा न्यनेगुगन ॥



॥ ललिः ॥

॥ ४ ॥

कल्पकोटिजन्मकथानं न्यनेदश्मखु ॥ अथयानिति सन्तारे धर्मयाकथा न्यनेगुमहाप्रसिद्ध ॥ थुगुरवैनिश्चयनं  
ख धका प्रतीतजुया छिमिसं धर्मयाकथान्यना भावभक्तिया ॥ भावनं पुरेजुसेलि कथथं बोधिज्ञानलानानिर्वा  
णापदलाइ धका तथागतपिसं आज्ञादयकाविज्जात ॥ ॥ इति श्री ललितविस्तरे प्रथमोऽध्याय समाप्तः ॥  
थनंलि श्रीभगवानं आज्ञादयका विज्जात ॥ हेमिक्षुगणापिं ललितविस्तर धयागु धर्मकथा गथिंगुधालसा सुत्र  
यानं माहासुत्रजुया न्यनेनापं दुर्लभजुयाचोंगु थथिंगु ललितविस्तरयागु धर्मकथा जिंकने छिमिसंचित्ततया  
न्यो ॥ ॥ न्हापांपरापुर्वकाले बोधिसत्वं बोधिज्ञानलायधका पुर्वजन्मेमणिचूड राजाधायका मणिदानयाना  
विज्जात ॥ विश्वन्तर राजकुमारधायका कायमचा ह्यायमचा कलासमेतं दानयाना विज्जात ॥ ॥ हानं माहासत्त्व  
राजकुमारधायका धुं यात थवगुलाध्यना नकल ॥ थुगुप्रकारं दुस्करचर्यायाना दानपारमितां पुरेयायेधुसेंलि लि  
पासर्वज्ञमित्रधायका वज्रमकुटराजां नराहुतिजज्ञस दुयधका १०८ ह्यमनुष्य वन्धनागारेतया कुनातल थुमित उद्धार  
यायेधका श्रीआर्यतारा देवीयात पुकरेयाना थुमित उद्धारयाना लिपानिरंजन निराकारजुया धर्ममेधेविज्जानाचोन  
॥ ॥ लिपाकलिजुग प्रवेशजुसेंलि छन्दुयादिने साहाभुवने विज्जानाच्चंस्स चतुर्मुख बुद्धां मती चिन्तनायाना

॥ स्तरः ॥

॥ ४ ॥



विज्यात गथेधालसा आजकलिजुल लोकपिसं धर्मकर्म यायगुतोता पापकर्मयानाचोन थुमित उद्धारयायेमाल मुनां  
उद्धारयाई धका मतिता ध्यानंविचारयाना सोवले जगत उद्धारयाइह जगतयागुरु धर्ममेद्येविज्यानाचोन धकासीका असंख्य  
देवपुत्रपिंसंका धर्ममेद्येविज्याना तोत्रयानाविज्यात ॥ ॥ हेजगतगुरु हेपरमप्रभु कलिजुग प्रवेशजुगलिं लोकपिसं धर्म  
कर्मयायेगुतोता पापकर्मयानाचन थुमित उद्धारयायेत याकनंपकटजुया थुमित उद्धारयानाविज्याहुं धका वृक्षां तुतिया  
गुन्यना वोधिसत्त्वं जगत् उद्धारयायत श्वेतकेतु वोधिसत्त्वजुया धर्ममेद्ये प्रकटजुया सकलानं पुजायाका प्रसंसायाका ध  
र्ममेद्यं क्वाहविज्याना तुषिताभुवने उच्च ध्वजधयागु महाविमाने विज्याना तुषिताभुवने विज्याना चंपिं देवपुत्रपिंत धर्म  
उपदेशविया विज्यानाचोन ॥ ॥ गथिंगुविमानधालशा ३२ निदोल जोजनया विस्तारदयाचंगु पंकला पखरंधा  
काहु ध्वाकापतिं तोरणहु पखंकअसिदु देवालयेया आकारजुया लक्षणां संजुक्तजुयाचंगु थान थानस छत्रध्वजप्र  
ताप वोयकातयागु ॥ हानं श्लांणना रत्नया किंकीनिजाल घानातयागु ॥ हानं थान थानस नखानखागु जीत्वां सुकुन्द  
राजआदिं स्वांयागुमाला खायातयागु थुकी कोतान्कोति अपसरपिंचोना मेहाला प्पाखंहुयाचोनगु ॥ हानं थुगुविमान  
या वरिपरि नानाप्रकारया कल्पवृक्ष सिमादया फलफलनंसहितजुया अनेकजातया पंछिपिंजुना मधुरस्वरयाना हा



॥ ललि ॥

॥ ५ ॥

लाचोंग हानं थानथानानरस निर्मलजलं पुणंजुया पलेखांचवखां आदिं होया शोभायमानजुया चोंग थथिंगुविमा  
नस कोतान्कोति देवपुत्रपिं विज्जाना धर्मसंवाद जुया चंग ॥ थुकिरागद्वेष मायामोह काम क्रोधलोभधयागु सुयाकेम  
दु ॥ केवलथिथिं मायादया प्रीति करुणातया सकलवनापं मित्रभावयाना नित्यधर्मसंवाद जुयाचोन ॥ थुगुप्रकारं  
गुलिछिं काल वितयजुया वसेलि छुह्यादिने श्वेतकेतु बोधिसत्त्वं पुर्वजन्मे यानाविज्जागु पुणपयागुफलं विमाने  
च्वना मंगलपुया चंपिं अपरागणपिसं पुयाचंग भेशनं श्वेतकेतु बोधिसत्त्वयात याकनं अवतारकाविज्जाहुंधका गा  
थापुया चोयकल गथधाल हेश्वर देवोधिस्तत्त्व छलपोल गथिंझधालशा ॥ दक्कपुणपया खानिजुया स्मृतिमान् मति  
मान् गतिमानजुया अननज्ञानया खानिजुया विज्जाकस्स ॥ छलपोलं न्हापागथ्यदीपंकर तथागतं बोधिज्ञानलायध  
का तातुल्यमदुग पणकमकना बोधिज्ञानलाना तथागत पदलानाविज्जात ॥ थ्वस्पोलयागु व्याकरणादक्कंलुमंका नि  
र्मलचित्तयाना कायवाक् चित्तयागु मलपापदोषदक्क फुका शान्त स्वभावजुया शुद्धनिर्मलचित्तयाना दीपंकर तथाग  
तं यानाविज्जागु दानधर्मयागु चर्यादक्कंलुमंकाविज्जाहुं ॥ ॥ हेकुलकुलीन ॥ कुलेसं कुलीनजुया विज्जाकस्स हे  
बोधिसत्त्व ॥ दीपंकर तथागतं लोकहितयायधका दानपारमिता आदिं दशपारमितां पुरेयाना बुद्धपदलाना सिदोले

॥ स्तरः ॥

॥ ५ ॥



प्रमाणं बुद्धपुत्रपिसं चानंदिनं सेवायाका तथागतधायका अन्यकाले मोक्षपदलानाविज्यात ॥ वतोथे छलपोलनं लोक  
यात हितयाना तथागतपदलाना विज्याहं ॥ ॥ हेच्युतिविधिश्च चवनकालयाग विधिसियाजन्म जराव्याधि मरणायाग  
भयदक्कफुक्का विज्यानाचंस्स हेवोधिसत्त्व छलपोलं तुषिताभुवनतोता याकनं मर्त्यमण्डले विज्याना मनुषयाकुले जन्म  
जुविज्याहं छलपोलं अवतार काविज्याइधका देवअसुर यक्षगंधर्व किन्नरगणापिसं छलपोलयाग खवरयानाचोना  
[हेनाथ] दोक्षिण कल्पनक संसारे भोगयासानं संतुल्लज्जुश्मखु ॥ ॥ गथ्यगथ्यधाल ॥ लखदक्कंमुनावना सागरजुश्  
॥ थुगुसागरेस्याक्कलखदुसां सागरराजा सतोषमज्जु वतोथं सन्सारयाग भोगनं गवल्पं तप्पज्जुश्मखु हेसाधु हेउपका  
॥ ॥ हेवोधिसत्त्व लोकपिसं सद्धर्मरूपी रसत्वन्यधका तृस्त्रायानाचोंग ताकालंदत थुमित छलपोलं सद्धर्मरूपी अमृतया  
गु रसत्वंका थुमिगुत्तस्त्राहरणायानाविज्याहं [हेअमलनयन] निर्मलचक्षुजुया विज्याकस्स [हेइश्वर] छलपोलं कामरस  
तोता सदाकालंधर्मसज्जक रसयाना किंनिदोल प्रमाणं देवपुत्रपितं न्हियं धर्मउपदेशविया विज्यानाचोन ॥ थउतक  
छस्सं तप्पज्जुपिमदु अथयाकारणो [हेइश्वर] छलपोलं अवीचिनरकआदिं षोडशनरके वासयानाचंपिं नारकीयज  
नपितं उच्चारयायत याकनं छलपोलं देहत्यागयाना मनुषयागुकेले जन्मकया पापरूपीअग्नीं दाहजुयका चोना



॥ ललि ॥

॥ ६ ॥

चोंपिं लोकपिंत अग्निशान्तयायत छलपोलं गथ्य मेघवया तत्कालनं जलवृष्टिजुया अग्निशान्तयाश्च वतोथं छलपोलं  
याकनं अवतारकया जंबुद्वीपे अमृतरस वर्षायाना लोकपिनिगु रागद्वेषादिं पापदक्कं फुका विज्जाहुं ॥ गथ्यवैद्यरा  
जंरोगजुयाचोंपिं रोगीयात रोगशान्तयायधका उपाययाना नानाप्रकारयागु औषधिनका रोगशान्तयाश्च ॥ वतोथं  
छलपोलनं रागद्वेष रूपीपापं ग्रहयानातवपिं पापीजनपिंत उद्धारयायत सत्पस्वरूप वैद्यजुया स्वाताप्रकारया ज्ञा  
नरूपी औषधियागु संजोगनं पापरूपी रोगयात नाशयाना याकनं निर्वाणपद लानावनेगुकार्ये स्थापनायाना वि  
ज्जाहुं ॥ भोनाथ गथ्यसिंहमदुगु वनांतरे वासयानाचोंपिं जंबुकवथानं निर्भययाना हालाजुश्च अकस्मात् सिंहश्च  
ह्य थुगुवनेवया गर्जजुश्चगुवेलस वनांतरे चोनाचोंपिं ध्रुवथानं सिंहहागु सद्धताया विस्सुवनी ॥ वतोथं वादि  
जनजुयाचोंपिं तीर्थिकजनपिंत हृदयेयायत याकनं छलपोलं बुद्धयागु अवतारकया सिंहनादयाना परतीर्थिक  
जनपिंत दूरभुवने हृदयेयाना विज्जाहुंधका अप्परापिंसं पुयाचंगु भेरिनं श्वेतकेतु बोधिसत्त्वयात समराउनीवी  
थं थुगुगाथापुया चोयकाचोनधका श्रीभगवानं आज्ञादयका विज्जात ॥ ७ ॥ ॥ ॥ ॥ ॥ ॥

॥ इति श्री ललितविस्तरे सप्तमाह्न परिर्वर्तनाम द्वितीयोऽध्यायः ॥

॥ स्तरः ॥

॥ ६ ॥



अनेनचाहं कुशलेनकर्मणा भवेयवुद्धो नचिरेणलोके ॥  
देशेयधर्मं जगतोहिताय मोचेयसत्त्वान् बहुदुःखपीडितान् ॥ २ ॥

शुगु पुणयाप्रभावं लोके याकनंजि तथागतजुर् तथागतजुया जगतहितयायेत धर्मउपदेशवी ॥ धर्मयाप्रभावं  
नानाप्रकारयागुदुःखं पीडयाना तथातपिं सत्त्वपाणिपिनिगु नानाप्रकारयागुदुःख मोचनयानावी ॥



॥ ललि ॥

॥ ७ ॥

पुनरवार श्रीभगवानं आज्ञादयकाविज्यात ॥ हेभिक्षुगणपिं अफरागणपिंसं भोरीपुया चोयकुगुन्यना श्वेतकेतुवोधिसत्त्वं म  
र्त्यलोके जन्मजुवनेधका मतीतया देवपुत्रपिंसुंका उच्चध्वज धयागुविमानं काहाविज्याना धर्मोच्चयधयागु प्राशादे था  
हाविज्याना सुधर्माधयागु सिंहासनेविज्यात ॥ ॥ थुगुसमाचारन्यना तुषिताभुवने चोनाच्चपिं देवपुत्रपिं सकल्पे वि  
माने थाहाविज्याना जोगप२गुआसनेविज्यात थुगुविमाने अंगहीनजुयाच्चपिं रोगीलोभि पापीसुंमदु ॥ छह्मथ्येछह्म  
बुद्धिमान् स्वक्षलायधका श्छायानाच्चपिं ६८ गुकोटि देवपुत्रपिं सकल्पे जंमाजुया धर्मसभाजुयाचोन ॥ ॥  
थनंलि श्वेतकेतु वोधिसत्त्व जन्मजुविज्याइगु रिंनिदह्मापा तुषिताभुवनं देवपुत्रपिं काहाविज्याना वांस्सरायाभेषकया  
जंबुद्वीपेविज्याना वांस्सरापिंत वेदव्वंका श्वेतकेतुवोधिसत्त्वयागु समाचारन्यंकल ॥ भोवांस्सरापिं हानं रिंनिदह्मयव  
थनजंबुद्वीपे वोधिसत्त्वं जन्मजुविज्याइ थ्वमचा ३२ तालक्षणा ८४ ता वंजनं पुर्णाजुइ ॥ गृष्टिच्चंसा चक्रवर्ति राजाजु  
इ चतुरंगवलनं संजुक्तजुया दह्मराजपिंत त्याका सप्तरत्नलाइ ॥ ॥ छु छु धालशा ॥ चक्ररत्न १ गजरत्न २ अश्वरत्न  
३ स्त्रीरत्न ४ मणिरत्न ५ गृहपतिरत्न ६ परिनायकरत्न ७ थ्वह्मयगु रत्नलाना अरवण्ड राज्यभोगयाइ ॥ ॥ गथिंगुच  
करत्नधालशा दोछिगु पातादया नेमि नाभिनंसंजुक्तजुया सुवर्णार्थे स्नासुगु वर्णाजुया वायुवेगनंहिलाच्चंगु ॥ थथिं

॥ स्तरः ॥

॥ ७ ॥



गुचक्ररत्न कायधका इश्वरपिं पुकरेयाना जवगुपुलिं पृथ्वीसचुया खवगुपुलि थकया लाहान हाजोलपा प्रार्थनाया  
इ ॥ भोपरमेश्वर अधर्मयायम्वाक चक्ररत्न प्रसन्नजुया विज्याहुंधका प्रार्थनायाना मंत्री भार्दार सैन्यसिपाहि सल  
किसि रथआदिं सहितयाना थवगुक्कट्टिपराक्रमकयना पुर्वदिशास्वया गमनयानाविज्याइ ॥ थवेलस पुर्वदिशास  
चोनाचंपिं राजापिसं चक्ररत्नमाल विज्यातधकासीका सुवर्णायागु पात्रस रूप्यचूर्णनं पुर्णायाना सौगाततइ ॥ गुह्य  
स्थानं रूप्यपात्रस सुवर्णचूर्ण पुर्णायाना सौगाततया मुलाकातयाना विंतियाइ ॥ भोरजन् छलपोलं अपुर्वनंजिमि  
गु राज्यविज्यात थजिगुराज्ये अतिमनोहर सदांसुभिक्ष उपद्रवहुंमदु थथिंगु जिगुराज्य भोगयाना विज्याहुंधका  
विंतियागुन्यना थसचक्रवर्तिराजा जुइसराजां आज्ञादयकइ ॥ हेराजन् जिंछिमिगुराज्य हरणायधका वयासमखु जि  
जा केवल चक्ररत्नमालेधकावया तरछुधालशा जिंछगु उपदेशवी छुधालसा अधर्मयायमते हिंसायायमते कर्काध  
ने लोभतयमते परस्त्रीगमनयायेमते रुठारवं ल्हायमते नास्तिकयागुधर्म च्चनेमते अंन्या अकिर्ति यायमते पापकर्मद  
क्कतोता धर्मयाय गुलि रसयाधका उपदेशविया संग्रामयायम्वाक राज्यत्पाका पुर्वसमुद्र तरेयाना आकाशमार्गनं  
दक्षिणादिशासविज्याना दक्षिणादिशास चोनाचंपिं राजापिं दक्कंत्पाका दक्षिणासमुद्रतरेयाना थननंपश्चिमदिशास



॥ ललि ॥

॥ ८ ॥

विज्ञाना पश्चिमसमुद्रपारयाना चक्ररत्नकयाचतुरंगवलं सहितयाना आकाशमार्गनं थवगुराजधानि ल्याहाविज्ञा  
ना ध्वजायाचोकासतया अन्तपुरे स्थापनायानातः ॥ १ ॥ थुगुप्रकारं हस्तिरत्ननं लाई गथिंस्सहस्तिरत्नधाल  
शा च्वापुथ्यंतुयुगवर्णा हृष्टपुष्टसुवर्णाया तिलहिलनं संजुक्तजुया पराक्रमवान् धर्मात्मा आकाशं वोसिवनेफ  
स्स वोधिधयास्स गजरत्न ॥ द्विष्टियाभिने समुद्रान्तचाउला थवगुराजधानिसत्तुं ल्याहावयाचोनि ॥ थथिंस्सग  
जरत्ननं संजुक्तजुः ॥ २ ॥ हानं अश्वरत्ननं लाई ॥ गथिंस्सअश्वरत्नधालशा नीलवर्णा मुंजकेश आदितवर्णा  
पराक्रमवान् आकाशेवोसिवनेफस्स वाराहकधयास्स अश्वराज द्विष्टियाभिने समुद्रान्तचाउला राजधानिसत्तुं  
वयाचोनिस्स ॥ थथिंस्सअश्वरत्ननं संजुक्तजुः ॥ ३ ॥ हानं मणिरत्ननं संजुक्तजुः गथिंस्समणिरत्नधालशा  
शुद्धनिर्मल नीलवर्णाजुया वेदुर्यमणिथं थिक्कलुं जुःग थथिंस्सचिंतामणि रत्नहया अन्तपुरे स्थापनायानातः  
॥ थवेलस थुगुमणिरत्नयागुतेजं अंतपुरे छगुजोजनतक मानुनिभातोऽगुथ्यं तेजप्रकाशजुया चंगुखनालो  
कपिसंधाः ॥ हेफलाना दंदं दनेमत्पोनिला द्योतुश्ल श्रीसुर्यउदयेजुल मामागु ज्यायाइंधका लोकपि भु  
लेजुया हालाजुः ॥ थथिंस्समणिरत्ननं संजुक्तजुः ॥ ४ ॥ हानं स्त्रीरत्ननं संजुक्तजुः गथिंस्सस्त्रीरत्नधालसा

॥ स्तरः ॥

॥ ८ ॥



क्षत्रीकन्या नाकंतधिकनमस्व ॥ भुतुचानमस्व ॥ नाकं ६ गुणमस्व ॥ नाकं गंसिनमस्व ॥ नाकंतुयुस्ननमस्व ॥  
नाकं हाकुसुमचंस्ननमस्व ॥ सावलिवर्ण प्रसन्नमुख ॥ स्वस्वस्वयमगाक चिमिसद्यापति श्रीखण्डयाग वासव  
याचंस्न ॥ सुतुंपलेखानयाग वासवयाचंस्न चिकलांधियास्वयवले थयागुस्नकानाचोनि ॥ तां ६ थियास्वयव  
ले रत्ना ३० सेचनि राजायानतोता मलेवनिगुमती नमस्व ॥ थथिंस्न स्त्रीरत्ननं संजुक्तजुई ॥ ५ ॥ हानं गृहपतिरत्ननं सं  
जुक्तजुई ॥ गथिंस्न गृहपति रत्नधालसा महापंडित बुद्धिमान् दिवचक्षु दिवचक्षुं स्वया सुवर्ण आदि हेममोतियाग स्वा  
निलयका थवमालिकयात धनाध्ययानावीस्न गृहपतिरत्ननं संजुक्तजुई ॥ ६ ॥ थगुप्रकारं परिनायकरत्ननं संजुक्तजुई  
॥ गथिंस्नपरियकरत्न धालसा राजांमतीतयामात्रणं सैन्यसिपाहियात खट्वेयाना थिक्कयानावीस्न थथिंस्न परिनायक  
रत्ननं संजुक्तजुई ॥ ७ ॥ थराजायादोलंदो कायमचाई ॥ हृष्टपुष्ट शूरोवीरजुया परराजाया शैल्ययात मर्थनायाना स  
मुद्रान पृथिवीदक्षं शस्त्रअस्त्रं प्रहारमयास्य सकलानंत्याका चक्रवर्तिजुया राज्यभोगयाई ॥ ॥ अथवा गृष्टितोता  
भिक्षुधर्मस चोनसा राज्य धनसंपत्ति मां वो कलाइष्टमित्र दक्षं त्यागयाना भिक्षुजुया अनन्यदेव धायका लोकयागुरु  
जुया सकलयात हितसुखविया अन्नकालस मोक्षपदलाना विज्जाइधका बांस्नरायाग भेषकया ओपिं देवपुत्रपिसं



॥ ललि ॥

॥ ५ ॥

लोकपित्त आशादयकाविज्ञात ॥ ॥ थुगुप्रकारं मेमेपिं देवपुत्रपिं जंबुद्वीपेविज्ञाना प्रत्येकबुद्धपिंत न्यंकल ॥ हेप्र  
त्येकबुद्धपिं हानंरिनिद दयव जंबुद्वीपे श्वेतकेतु बोधिसत्त्व जन्मजुविज्ञाश्रधका समाचारकन ॥ थुगुखन्पना राजगृहध  
यागु नगरे गोलिगुल परिवर्तन धयागुपर्वतस विज्ञानाच्वंस मातंगधयास प्रत्येकबुद्धस विज्ञायधका थवगु शरीरं  
तेजपिकया लाहातुति छुं खन्पमदयक तेजया ग्वाराजुया मानु उरवोवनिगुथे सप्तताल वृक्षप्रमारां उच्चाजुया लिपा  
भगवानं धर्मचक्रप्रवर्तनयाना विज्ञाश्रु मृगदावनस पतनजुवल ॥ थुगुस्थानयात थउंया अद्यापि ऋषिपतन मृ  
गदावनधका नामप्रख्यातजुल ॥ हानं वारानसीधयागु काशीदेशया समीपेचंगु मृगदावने विज्ञानाच्वंपिं न्यासल  
प्रत्येकबुद्धपिसनं थुगुसमाचारन्पना थुपिंनं आकाशमार्गनं बोसिवना मृगदावने पतनजुयाचोन ॥ थनयागुखंथ  
लि ॥ ॥ थनंलि तुषिताभुवने विज्ञानाच्वंस श्वेतकेतु बोधिसत्त्वं मर्त्यलोकस जन्मजुविज्ञायेत पंगुप्रकारयागु  
ध्यानलोकविचारयानाविज्ञात ॥ छुछु धालसा ॥ न्हापांलोकविचारयात क्षीपविचारयात ॥ देशविचारयात ॥ कुल  
विचारयात ॥ ॥ छुयानिति कालविचार यानाविज्ञात धालसा बोधिसत्त्वपिसं आदिनिसें प्रवित्तिजुयाच्वंथं लो  
कपिसं भिगुचर्यायाना यथार्थवादिजुया न्यायसाखंपुरेजुया जतिज्ञानसिया बुढाजुश्रु रोगजुश्रु मरणाजुश्रु

॥ स्तरः ॥

॥ ५ ॥



ज्ञानद्वक् सिचाचोंपिं लोकपिंसं वासयानाच्वंग वखत विचारयाना जन्मजुविज्पाइ ॥ ॥ हानं पुर्वे विदेह दीप ॥ दक्षिणे  
अपरगोडायनी दीप ॥ उत्तरे कुरु दीप ॥ थुकि संजन्मजु विज्पाइ मखु केवल जन्म दीपस जन्मजुविज्पाइ ॥ ॥ छुया  
नितिं देशविचारयाना विज्पात धालसा वोधिसर्व नीचजात मुसल्मान् आदिं म्हेछ जातिपिंसं वासयानाच्वंग ॥ हानं अ  
न्धा लाता पाक ज्यो मुखजुया विवेककुं मदुपिं थथिं पिं लोकपिंसं वासयानाच्वंग देशस जन्मजु विज्पाइ मखु केवल  
जं बु दीपस जन्मजुविज्पाइ ॥ ॥ छुयानितिं कुलविचारयाना विज्पात धालसा सन्सारे कुलथं तवधंग पदार्थ मेताकुं मदु  
अथयानितिं वोधिसत्त्वपिंसं हीनजाति चंडाल वेणुकार रथकार थथिं पिनिगकुले जन्मजुविज्पाइ मखु ॥ केवल ब्राह्मणयागकु  
ले अथवा क्षत्रयागकुले जन्मजुविज्पाइ ब्राह्मणयागकुल उच्चाजुसां क्षत्रयराजकुल अथयानितिं क्षत्रयाकुले जन्मजुव  
न्यग असलधका मतीतया मुमुकविज्पात ॥ ॥ थुगुखं देवपुत्रपिंसं सीका थिथिं परसपर वं वयाक्य २ न्यन ॥ ॥  
हे देवपुत्रपिं श्वेतकेतु वोधिसत्त्वं सुयागकुले जन्मजुविज्पायत्पन धका न्यसेंलि देवपुत्रपिंसं आज्ञादयका विज्पात ॥ हे दे  
वपुत्रपिं जं बु दीपे वरातधंग मद्यध धयाग राज्ये वैदेह धयाग कुलदु ॥ सदां सुभिक्ष सज्जनपिंसं वासयानाच्वंग वैदेह  
कुलस वोधिसत्त्वं गर्भवासयायग ज्वगधका आज्ञादयकुग न्यना मेह देवपुत्रं आज्ञादयकल ॥ हे देवपुत्र वोधिसत्त्वं



॥ ललि ॥

॥ १० ॥

वैदेहकुले जन्मजुविज्जायगु अजोग ॥ छुयानितिं धालसा ॥ मां वो दजुकिजा शुद्ध ॥ तरथराजा अभागी पुत्रलाभमदु पुन्य  
यागु अभिषेक लामनंमखु थवाराज्ये हिति पुखु दवु फलेचा वगीचा आदिं मनोहरस्थाननं कुंमदु शुद्धनगरस वोधिसत्वं  
जन्मजुविज्जायगु अज्वगधका आज्ञादयकल ॥ ॥ थुगुखंन्यना मेह देवपुत्रं आज्ञादयकल ॥ हे देवपुत्र वोधिसत्वं  
जन्मजुविज्जायगु ज्वगगु जंबुद्वीपे विशालधयागु नगरे कौशलधयागु कुलदू ॥ थनसल किसिरथ परिवार धनसंपति  
सकतानं पूर्ण ॥ थुगुकुले वोधिसत्वं जन्मजुविज्जायगु ज्वगधका धागुन्यना मेह देवपुत्रं आज्ञादयका विज्जात ॥ भो  
देवपुत्र वैशालीनगरस वोधिसत्वं जन्मजुविज्जायगु ज्वगमजु ॥ छुयानितिं धालसा थुगुकुले गजरत्नमदु हयामा  
त्राणं मृत्युजुयावनी ॥ अर्थात् गजरत्नशून्य ॥ मां वो जयिपिनं शुद्धमजु मोक्षलायगु पदार्थहिन ॥ कुलीननंमखु धन  
रत्न पशालदुहानंमखु थथिंगुकुले जन्मजुविज्जायगु ज्वगमजुधका आज्ञादयकगुन्यना ॥ पुनर्वार हाकनंमेह दे  
वपुत्रं आज्ञादयकल ॥ भो देवपुत्र जंबुद्वीपे महातधनाच्चंगु वंशराजायागु कुलदु ॥ तधंगु सहरपजापि क्षमाधा  
र सदां शुभिक्षु दुर्भिक्षधयागु गवलेमदु ॥ दानधर्मयायगु आचारदू थुगुकुले वोधिसत्वं जन्मजुविज्जायगु जोगध  
का आज्ञादयकगुन्यना मेह देवपुत्रं आज्ञादयकल ॥ वंशराजायाकुलेसं जोगमजु छुयानितिं धालसा वंशराजायाकुले

॥ स्तरः ॥

॥ १० ॥



जन्मजुया च्वंपिं सकलं पृथक् कयाय जोग्गपिं दुर्जनयागस्वभाव अहंकारि नंसमज्ज पुरुषार्थ दुपिनं मखु उच्छेदवादी  
थुमिगकुले बोधिसत्वं जन्मकालविज्जायगु अजोग्गधका आज्ञादयकुगुन्यना मेस्स देवपुत्रं आज्ञादयकाविज्जात  
॥ हे देवपुत्रपिं जंबुद्वीपे पर्यान्तजुया च्वंगु वैशाली धयागु नगरदु ॥ अतिमनोहर सदांसुभिक्ष प्रजापिं क्षमाधा  
॥ सिलपविद्यानंपुर्ण राजकुल पंकला पार्वरं ध्वाकादु ध्वाकापत्तिं तोरणादया मानुश्चयागु वैजयन्ति द्वारथं  
सकल लक्षणं संजुक्तजुया च्वंगु राजकुलस श्वेतकेतु बोधिसत्वं जन्मज्ज विज्जायगु ज्वग्गधका आज्ञादयकुगुन्यना मेस्स  
देवपुत्रं आज्ञादयकाविज्जात ॥ थुकिं सं अज्वग्गे ॥ छुयानिनिं धालसा थुमिगकुले थिथिं न्यायनि सापकुं मदु ॥ धर्मयागु  
आचारनं कुं मदु ॥ हाकंनं थुसव्वदु थुसज्जेसु थुसगुरुधका हनावहना कुं मदु ॥ छसथ्ये छस ॥ वयासपनं वहने  
मा २ जिहेमालिक ॥ जिहेजुजुधका अभिमानयाना च्वंपिं मुनानंधागु खंमन्यं धर्मयागु भावनं कुं मदु ॥ थथिंपिं अध  
र्मिजनपिसं वासयाना च्वंगुकुले जन्मज्ज विज्जायगु अजोग्गधका आज्ञादयकुगुन्यना मेस्स देवपुत्रं आज्ञादयकावि  
त ॥ हे देवपुत्रपिं मर्त्यमण्डले पर्यान्तजुया च्वंगु पद्योतन धयागु कुलदु वरावरिष्ठ सलकिसि आदिं वाहननं परिपु  
र्ण ॥ परराजाया सैन्ययातत्याका विजयलाभ कयाचोपिं माहावीर थुमिगकुले जन्मज्ज विज्जायगु ज्वग्गधका आज्ञा



॥ ललिः ॥

॥ ११ ॥

दयकुगुन्यना पुनर्वार हाकनं मेहदेवपुत्रं आज्ञादयकाविज्ञात ॥ हेदेवपुत्रपिं थुकिंसं जोगमजु ॥ छुयानिनिं धालसा  
॥ थुमितंमभिं स्वयनापं भयंकरमुर्ति जित्तिवाल सुनानंधागु र्वमन्यं ज्ञायागुविवेकनंमहु ॥ थधिंगुविवेकमहुगु कुले  
वोधिसत्वं जन्मजु विज्ञायगु जोगमजुधका आज्ञादयकुगुन्यना पुनर्वार हाकनं मेहदेवपुत्रं आज्ञादयकाविज्ञा  
त ॥ हेदेवपुत्रपिं जम्बुद्वीपे महातधना चंग मथुराधयागु नगरे सुबाहुधयाह राजायागु राजधानीदु ॥ दयेदसं वढे  
जुयाचंगु पजापिं छेमाधारी सदांसुभिछे दुर्भिक्षधयागु गवल्पंमहु असंखलोकपिंसं वासयानाचंगु मथुरासहर  
॥ कंसमहाराजायागुकुल ॥ थुगुकुले श्वेतकेतु वोधिसत्वं जन्मजु विज्ञायगु जोगधका आज्ञादयकुगुन्यना मेहदे  
वपुत्रं आज्ञादयकाविज्ञात ॥ मथुरासहरेसं ज्वगमजु छुयानिनिं धालसा सुबाहु राजा नास्तिकयागुकुले जन्मजुया  
चंगु दांसुयागुस्वभाव राजाधायजोगमजु थधिंजाह नास्तिकयागु कुले वोधिसत्वं जन्मजु विज्ञायगु अजोगध  
का आज्ञादयका विज्ञागुन्यना पुनर्वार हाकनं मेहदेवपुत्रं आज्ञादयकाविज्ञात ॥ हेदेवपुत्रपिं जंबुद्वीपे हस्ति  
नापुर धयागुदिल्लिसहरदु ॥ पाराडवराजायागु कुलअतिमनोहर ॥ थुगुकुले जन्मजुयाचंगुपिं युधिस्थिर आदिं  
पंचपांडवपिं ॥ वराशरवीर हृष्टपुष्ट परसेनयात संहारयाना वीरजुयाचंगुपिं पाराडवराजायागु कुले जन्मजु वि

॥ स्तरः ॥

॥ ११ ॥



न्यायगु ज्वगधका आज्ञादयकुगुन्यना मेहदेवपुत्रं आज्ञादयकाविज्यात ॥ पाण्डवकुलेसं जोगमजु  
कुयानिनिं धालसा पाण्डवराजायापुत्रपिं जुधिस्थिर आदिं पंचपाण्डव ॥ कौरववंशे जन्मजुयाचंपिं दुर्जोधनआ  
दिं सयेकुमारपिं ॥ थुमिथिथिं परस्पर सत्रभाव यानाचोन ॥ धर्मयापुत्र जुधिस्थिर ॥ वायुयापुत्रभीमसेन ॥ इन्द्रया  
पुत्र अरजुन ॥ अश्विनिकुमारयापुत्र नकुलसहदेव ॥ थुमिथिथिं परस्पर कलह जुयाचोंग थुगकुले वोधिस  
त्वं जन्मजु विज्यायगु अगधका आज्ञादयकुगु न्यना मेहदेवपुत्रं आज्ञादयकाविज्यात ॥ हेदेवपुत्रपिं वोधिस  
त्वं जन्मजु विज्यायगु जोगगु मिथिलाधयागु नगरदु ॥ अतिवांला शुमित्रराजायागु राजधानि ॥ आपालं सलकि  
सिरथसैन्य सिपाहि आदिं चतुरंगवलं संजुक्तजुया आपालं धनसंपत्तिसुवर्ण मणि माणिक वैदुर्य शंखशिला  
पथरआदिं धनयागु उपकारणादकं संजुक्तजुया परचक्र राजावनाप संग्रामयायेत गवल्पे दृष्टयेमजु ॥ पराक्र  
मवान् धर्मात्मा वरागुणिकजुयाचंस्स शुमित्र राजायाकुले जन्मजु विज्यायगु ज्वगधका आज्ञादयेकुगुन्यना  
मेहदेवपुत्रं आज्ञादयकाविज्यात ॥ थुकीसंज्वगमजु गथधालसा शुमित्रराजा धर्मात्मा गुणिक जूसानं नाकं  
बुढाजुल पुजायान उक्ताह यायेगु सामर्थमदु ॥ मचाखाचा आपालं परिवार दयाचंग ॥ थुगकुले जन्मजु वि



॥ ललि ॥

॥ १२ ॥

ज्यायगु जोगमजुधका आज्ञादयकुगुनना पुनर्वार देवपुत्रपिसं जंबुद्वीपे उच्चा उच्चाजुयाचोंगु हिंखुगु राजकुलेसं विचार  
रयानास्वतनं हिंखुगुलीसं दोषनं संजुक्तजुयाचोंगुखना मती अदोलयानाचोन ॥ ॥ थवेलस ज्ञानकोतुध्वजधयाक्ष  
देवपुत्रं सकस्यां मती अंदोलयानाचंगुखना आज्ञादयेकाविज्यात ॥ भोदेवपुत्रपिं हिंसं विचारयानास्वयां निरोप  
नयायेमफुत थुगुखं निरोपनयायत वसोलयाकोहे न्यनेधका सल्लायाना सकल्येदना बोधिसत्त्वया न्होन्पवना  
विनित्यात ॥ ॥ भोसत्पुरुष छलपोलं शुयागकुले जन्मजु विज्यायेत्पना जिमिगुमती अदोलजुलधका विनि  
यासंलि बोधिसत्त्वं आज्ञादयकाविज्यात ॥ ॥ हेदेवपुत्रपिं जंबुद्वीपे ३४ ता लक्षणां संजुक्तजुयाचंगु कुल  
दु ॥ थुगुकुले ३२ ता गुणादुस मिताद् ॥ थयागु गर्भस जिं वासयावने छुछुगुणाधालसा ॥ ॥ सकलज्ञानं  
पुणजुयाचंस ॥ पुत्रअभिलाषादुस ॥ छिड उपचारमदु ॥ अमीरयागुस्वभाव ॥ जातिसंपन्न ॥ कुलसंपन्न ॥ रु  
पसंपन्न ॥ नामसंपन्नः ॥ मचामदुनिह ॥ शीलवती ॥ शुचीनेमदु ॥ त्यागी ॥ सदांसुगुखा ॥ सत्पवादी ॥ न  
अस्वभाव ॥ गंभीरबुद्धी ॥ माहाचतुरी ॥ परिडित ॥ कपटमदु ॥ तनंमदु ॥ छुयां मायामका क्षमाधारी ॥ दधंछु  
मजु ॥ चंचलस्वभाव ॥ गवल्पे हरवरेमजु ॥ कर्कातनिन्दामया ॥ परउपकाश ॥ लज्जाचा ॥ रागद्वेषमदु ॥ मांवी

॥ स्तरः ॥

॥ १२ ॥



याछे सं छुं दोषमदु ॥ पतिव्रता ॥ सकलगुणं पूर्णजुया च्वंस्स स्त्रीयाके शुक्रपक्षया पुद्गीखुनु पुष्पनक्षत्रं संजु  
क्तयाना अष्टमिवत याना च्वंस्समिसाया गर्भस वासयावनेधका श्वेतकेतु वोधिसत्वं कुलविशुद्धियागु खं आ  
ज्ञादयकाविज्यात ॥ ॥ थुगुप्रकारं वोधिसत्वं आज्ञादयेकाविज्यागुन्यना देवपुत्रपिनिमती अन्होलजुया  
पुनर्वार हाकनं विचारयाना स्वसंलि थुलिलक्षणां संजुक्तजुयाचोंगु शाक्यकुलखन ॥ गथिंगु देशवालसा था  
नथानस देवालय व्याहारचैत्य पुखुहिति तुं मराडप फलेचा दव् वंगीचा आदिंदया शोभायमानजु चोंगु थुग  
कुले जन्मजुया च्वंपिं राजा राजकुमारपिंदकं छस्सथ्यस्स वलवान् शस्स अस्स विद्यां पारंगतजुया च्वंपिं थव  
गुजीविकायायत पर प्राणियात हिंसामया क्षमाधारी सदांसुभिक्ष असंख्ये सलकिसि सा मे आदिं पशुपच्छी  
नं पूर्णजुया च्वंगु शाक्यकुलया राजा शुद्धोदन ॥ चक्रवर्तिराजायाकुले जन्मजुया कुलीनधायेका असंख्य  
धनरत्नया खानिदया च्वंगु ॥ शाक्यराज्यभर या छस्सराजजुया सकस्मानं पुजा मान्ययाका विज्याना च्वंस्स  
नाकंबुढानंमखु नाकंल्याहेस्सनंमखु मध्यम अवस्था सकल ज्ञानगुणं पूर्णजुया कालज्ञान आत्माज्ञान  
धर्मज्ञान लोकज्ञान लक्षणाज्ञानसिया धर्मयाराजजुया लोकयात धर्मेतया च्वंस्स थथिंस्स राजायागु राज्य



॥ ललि ॥

॥ १३ ॥

स पुर्वजन्मसदानधर्मयाना वपिसंजकवासयानाचोंगु ॥ हाकनंराजायागधिगुस्वभाव प्रजायानंअधिगुस्वभाव ॥ थधिगु  
शाक्यकुलया राजा शुद्धोदनमाहाराजायारानी सुप्रबुद्धधयाह्य शाक्यराजायापुत्री मायादेवी जौवनंसंपन्न मचाछहं मदुनि  
ह्यरूपसुंदरीमानुचित्रकारं चोयातयाथं उलितवांला स्वस्वं स्वयमगाक देवकंन्यासमानं दक्कतिलहिलनं संजुक्त सत्पवादी  
कोकिलस्वर ॥ रुठारवंगवल्पेमल्हा ॥ मधुरप्रियवादी ॥ रागद्वेषमायामोह कामक्रोधलोभदुमदु ॥ शुद्धपतिव्रता परपुरुष  
याकोचित्तमदु थ्वसमानकंन्या त्रिभुवनेसंमदु दोछिह्यमत्ताकिसियागुति वलदु भमरायागुकेशथं पालापालांथीगुसं ॥  
फाटनधंगु चक्रंगु कपा ॥ न्हितिकाउज्वल ॥ कोमलमधुरवचन ॥ कोमल हृदयलाहानुतिपुष्ट उफोस्वांथं कोमलनीलनेत्र  
॥ हासछाहस्यचों ॥ कपंछागुथं चत्तपरेजुगु मिखाफुसि ॥ विम्वफलथं ह्याउस्यच्वंगु ह्यनुसी ॥ नन्दनवनेचोनाच्वं ह्य  
अप्परायासिनं अत्पन्नवांला ॥ सुद्धोदनमाहाराजायाअन्नपुरेविज्यानाच्वं ह्य माहाराणी मायादेवीयाके शाक्यकुलया नन्द  
नधायेका जन्मजूवनेधका श्वेतकेतु वोधिसत्वं आज्ञादयकाविज्यातधका श्रीभगवानं आज्ञादयकाविज्यात ॥  
थुगुरवंन्याना शालिपुत्रभिक्षुयामती संदेहजुया श्रीभगवान्याकोविनित्यात ॥ ॥ हेभगवन् कपिलवसुधयागुजा  
नगरमुखला ॥ थुगुनगरयाराजा गथचक्रवर्तिजुलधकाविनित्यासंलि श्रीभगवानं हास्यमुखयाना आज्ञादयेकाविज्या

॥ स्तरः ॥

॥ १३ ॥



त ॥ ॥ हे भिक्षु गणपिंथुगुर्वं गथ्य धालसा ॥ ॥ न्हापां पश्चिम दिशास कोसातक धयागु अजु ध्यासहरे सूर्यवंशी महासमं  
त धयास्रचक्रवर्तिराजा छहदु ॥ ॥ थया पुत्र कल्याण कल्याणया पुत्र राव धयास्र ॥ रावया पुत्र उपोखध धयास्र ॥ उपोषधया  
पुत्र राजा मां धाता ॥ ॥ थया सन्तान् मद्या ह्यायमचायामचा छये चायात राजपविल ॥ ॥ थया पुत्र राजा सुजाता ॥ ॥ थया न्यास पुत्र  
दु ॥ ॥ वपुरधयास्र १ निपुरधयास्र २ कर्कराड धयास्र ३ उल्का मुख धयास्र ४ हस्तिकशीर्ष धयास्र ५ दु ॥ ॥ मथ्यास्र जेत धयास्र  
कुमार छहदु ॥ ॥ ह्यायमचान्यास्रदु ॥ ॥ शुद्धा धयास्र विमला धयास्र विजिता धयास्र जला धयास्र जली धयास्र न्यास्र  
कंन्यादु ॥ ॥ जेत कुमार छहदु विलासिनी पुत्र ॥ ॥ मथ्यास्र कलायालंदुस्र ॥ ॥ थया मां जेति रानीनं माहाराजा सुजातायात स्त्री  
धर्म सन्तोषयानाचोन ॥ ॥ छन्दुयादिने जेति रानीया उपचारं राजा खुसिजुया प्रेमनं आज्ञा दयेका विज्यात ॥ ॥ भोजेति  
छंगु उपचारवना जिखुसिजुल ॥ ॥ छंतछु वरदानफोने फोधका आज्ञादकुगुन्यना जेति रानीनं वधाये थधाये मसिया ला  
हात हाजोलपा विनियात ॥ ॥ ॥ महाराजा छलपोलया केजिं छुवरदानफोने छलपोलया प्रतापं जित सकतानं पूर्ण त  
र छलपोलं वरदानवीधका आज्ञाजुसंलिवरदानफोनेत मां वौया कपनिं न्यना वय ॥ ॥ जिम्मां ववां छुवरदानफोधका धार्इ उ  
गुवरदानफोने धका विनियाना सखिपिसं सकल्पं मुनका थव्रद्धे वना मां वौदाजु किजाइ इमित्र सकल्पं मुंका जेति रानीनं



॥ ललि ॥

॥ १४ ॥

विनित्यात ॥ ॥ भोमातापीता जिस्वामि सुजाता माहाराजायात सुसारकुसारायाना ठहलसेवायानागुलिं राजाखुसिजुया  
वरदानफोधका आज्ञादयकल ॥ जिअथथथधकाविनित्यायमछाला छलपोलपिंक्य न्यनेधकावया छुवरदानफोनेध  
काविनित्यागुन्यना मांवोदाजुकिजा इष्टमित्रपिं सकलानं मती लुलुथधाल ॥ ॥ गुह्यस्नानं निगुणगुकोटिधनव्फेने  
॥ धनंयाना सकलकार्यसिद्धधका धाल ॥ गुह्यस्नानंशामछगुनिगुफोने थुकियागु आम्हानिकया भोगयानाचोनेधका  
धाल ॥ थगुप्रकारं गुह्यस्नानंगथधाल गुह्यस्नानंगथेधाल सल्लहामिलेमजु ॥ थवेलसदेवयासंजोगनं परिव्राजिका ध  
याह्यसंन्यासिनीछह्यभिक्षाफोन्यधका द्वाहावया सोगुवेलस सकल्यंमुना कोशलजुया चंगुखना परिव्राजिकानंवि  
नित्यात ॥ ॥ भोजनिथउजा छलपोलप्रमुखं मांवोदाजुकिजापिं सकल्यंमुना कोशल जुयाचोन छुसल्लहयाना  
विज्यानाधका परिव्राजिकां न्यसंलि जेतिरानीनंविनित्यात ॥ ॥ हेपरिव्राजिका मेतामखुजिं सुजाताराजाया  
गु ठहलसेवा यानागुलिं राजाखुसिजुया वरदानफोधका आज्ञाजुल जिंवधायथधायमसिया मांवोयाकेनेन्यध  
का सकल्यंमुना सल्लहयानाचोना ॥ छुवरदानफोसा परनुमुखजुईधका जेतिरानीन्यसंलि परिव्राजिकानंविनि  
यात ॥ ॥ भोजेतिछंगथमसिल छलपोलं न्याथधासानं मथ्याह्यकला सुजाताराजा स्वर्णजुयव धनसंपत्ति

॥ स्तरः ॥

॥ १४ ॥



राज्यदत्तं ज्येष्ठास्य कुमारया तवनी छलपोलयात छुंदश्मखु अथया कारणे जिंछु गु उपदेशवी गथ्य धालसा मुजाताराजासत्य  
वादी स्रुतंगथ्य धाल वथ्यं ज्ञानं पुरेयानावी ॥ अथ मखुत छलपोलया लंडुपिं राजकुमारपिं न्यासस्थानं वनवास छोया जि  
पुत्रजेन कुमारयात अजुध्यासहरया राजायाना विज्याहुं धका विनियाना विज्याहुं वल्पे राज्यदत्तं छलपोलयाग जुलमखुला  
धका परिव्रजिकां उपदेश व्युगन्यना जेनि रानीया मां वौदाजु किजापिं सकल्पे खुसिजुया परिव्रजिकायात धनरत्न आदिं विया  
संतोषयाना छोत ॥ ॥ थनं लिजे निमाहारानीं परिव्रजिकायाग उपदेशन्यना मां वौया को वेला कया थवस्वामि मुजातारा  
जाया थास वन विनियान ॥ ॥ भोस्वामि छलपोलयाग आज्ञार्थे थव छे वना मां वौया को न्यना वयधून ॥ गथ्य धालसा ॥  
छलपोलया पुत्र राजकुमारपिं न्यासं वनवास छोया जिपुत्र जेन कुमारयात अजुध्यासहरया राजायाना विज्याहुं छलपोलसत्य  
वादी धका जेनि रानीनं वरदान फोन जेनि रानीनं थथ्य धका वरदान फोंगुन्यना मुजाताराजां रखा खुशुकतया मलीन मुखयाना  
मती अन्दोलजुया वीधायं मफु वीमखु धायनं मफु विचारयाना विज्यात ॥ ॥ जेनिं मखुग वरदान फोन थापिं राजकुमार  
पिन्त वनवास छोया जेन कुमारयात राज्य विया परचक्र राजापिसं जित छु धार् ॥ वीमखु धका धाये धालसा जिगु सत्यमचो  
न सत्यधयाग तअधंधका मतीतया जेनि रानीयात आज्ञा दये का विज्यात ॥ ॥ भोजे नि छं मखुग वरदान फोन जिगुज



॥ ललि ॥

॥ १५ ॥

मानवन छंकायेयात अजुध्यासहरयाग अधिकारवीगुजुलधका वरदानविल ॥ जेन्तिरानीनं तथासुधका वरदानकया  
राजायाचरणस भोपुया अन्तःपुरेसन्तुल्याहविज्यात ॥ लोकपिसं थुगुसमाचारसिया धाल ॥ सोसोसुजाताराजां अं  
न्यायात विलासिनी पुत्रयात राज्यविया जुवराजपित्त पितछोश्न थ्वजाअंन्याजुल ॥ शास्त्रेधयातगुदु निसापमदुस जुजुया  
गुराज्जे चोनेमत्पोधका धयातगुदु ॥ कदाचित् राजकुमारपित्त पितच्छतधालसा रूपिनं चनेमखु राजकुमारपिनि छु गति  
जुल रूसनं वहेगतिजुधका निश्चयेयानाचोन ॥ थुगुसमाचारसुजाता राजांसिया अजुध्यासहरे घंठाघोषनया  
का उर्दिविल ॥ भोपजालोकपिं राजकुमारपिं न्यासं परदेशवनिगुजुल ॥ थुमिवनाप सुवन्पगु इच्छादुसा छिमि  
त मामागु सलकिसि रथधन रत्न मणि मणिक सुवर्ण आदिं धनसंपत्तिछिमित छुछुमाल उगुउगु वसुवीधका घन्ठाघो  
षनयाका उर्दिवि ॥ थनंलि राजकुमार पिनिवनापं परदेशवन्पगु इच्छायानाचंपिं बांसराक्षत्रि वैशे शुद्ध आदिं ॥  
असंख्य लोकपिंमुना राजकुलेवया जमाजुयाचोन ॥ सुजाताराजानं दुकुदक्कं चायका गुह्यस्यं गुगुधालउह्यसा  
त उगुधवसुवियासन्तोषयानाछोत ॥ थनंलि राजकुमारपिं ओपुरधयास ॥ निपुरधयास ॥ कर्कराधयास ॥ उल्का  
मुखधयास ॥ हलिकशिर्षधयास ॥ न्यासराजकुमारपिंमुनासल्हाजुल ॥ गथ्यधालसा ॥ शिववासुजातामहाराजं किजा

॥ स्तरः ॥

॥ १५ ॥



जेनकुमारयात अजुध्यासहरयाग अधिकारविल ॥ रूपिंधनचोनाचोनायाछुं प्रयोजनमदु ॥ वनवासवन्येकर्मधयाग भोग  
मयास्पेंक्षयजुयावनिमखुधका सल्लायाना दाजुकिजान्याहं माहारानीसमेतं मुजाताराजायाहजुरसवना विनित्यात ॥ ॥  
हेवुवासुजाता छलपोलसत्पवादी छलपोलयाग सत्पसदांथीरजुयमा ॥ जिमिगुमतीछुंविखादमदु कर्मभोगधयागविनां  
भोगमयास्पें क्षयजुयावनिमखु जिपिवनवासवन्यतेल वेलावियाविज्याहं ॥ चमाजुजेनिमाहारानी किजा जेनकुमारनं स  
हितयाना प्रजायातपालनाआनन्दनंविज्याहं जिमिसंतोतावनधका छलपोलंदुःखतायाविज्यायेमते जिपिवनेत्पलधका  
विनित्यानाचरणकमले भोपुयामिखासस्वभितया राजकुलंप्पाहाविज्याना चाकरवाकरपिं सकल्पेंमुंका असंख्यधनसंपत्ति  
सा मे सलकिसि आदिंनानाउपकरांसहितयाना असंख्य प्रजालोकपिंमुंका दाजुकिजा न्याहंरथसविज्याना लोकपिं स  
कल्पें स्वयेका सकलयातवोधयाना वनवासवन्यधका राजकुलंप्पाहाविज्याना उत्तरदिशास्वया गमनयानाविज्यात ॥  
॥ ववंरपहुखुहुदयावस्पेंलि छहुयादिने काशिकोशलधयाग देशया समीपस थपस्पेंलिकाशिकोशलदे  
शयाराजां मुजाताराजाया पुत्रपिं न्याहं माहारानीसमेतं वनवास वन्यधकावलधका धागु समाचारन्या दूतपिंछो  
या थवगुराज्येतया पालनायानातल ॥ राजकुमारपिसनंराजायाग चाकरियाना माहारजाप्रमुखं मंत्री भारदारसैन्यसि



॥ ललि ॥

॥ १६ ॥

पाहि प्रजालोकपिं दृक् वसेतया गुनज्ञानवल बुद्धिपराक्रमकना सकल्पनं प्रसंसायाका मान्ययाकाचोन ॥  
गुलिच्छिंकालवितयेजुया वसेलि छन्द्यादिने काशिकोशल देशयाराजां मतीचिन्तनायात ॥ गथ्यधालसा थराजकुमा  
रपिसंलोकपिंदृक् वसेकयाजिगुराज्य धलमिलयात ॥ अवस्यनं थुमिसंजितस्थाना जिगुराज्य थुमिसंभोगयाशनधका  
मतीतया विना अपराधं धननं पित्तिनाहल ॥ ॥ राजकुमारपिं सकल्पे गनवने गनचोन्पेजुया अनवने धनवने म  
सिया कपिलमुनियागु सरणावने धका उत्तरदिशास्वया गमनयानाविज्पात ॥ ॥ वदं २ कथथे कपिलमुनियागु  
आश्रमया समीपस थं वले अती रमणीय स्थान छ गुरवन ॥ गथिगुधालसा स्कन्दमूल फलफूल निर्मलजलदया शाको  
टकधयागुसिमां व्याप्तजुया चंगु कपिलमुनियागु आश्रमखना खुसिजुया कपिलमुनिया थासवना मुनिस्वरयागु चरणास  
भोपुया न्याह्यदाजुकिजां स्वयाविनितयात ॥ ॥ हे मुनिश्वरविना अपराधं चमाजुयागु छलं वुवासुजाताराजां जिमित  
पित्तिनाहल गनवने धका काशिकोशल देशयाराजायागु सरणावना थ्वनं जिमितपित्तिनाहल अनवने धनवने मसिया  
छलापोलयागु शरणोवया जिमित रक्षायाना विज्पाहुं धका कुमारपिसं विनितयासेलि कपिलमुनिं आग्यादयेकाविज्पात  
॥ ॥ भो कुमारपिं छिमित थलित दुःखजुलला धन्दाकायेमते जिं छिमित उपदेशवी ॥ गथ्यधालसा ॥ थशकोटक

॥ स्तरः ॥

॥ १६ ॥



वनयागुसिमाध्वना अनंतं छेँ दयेकि वशिपरी छचारवरं वुदयेका वा ॐ आदिपिना जीविकायानाचौं ॥ छुंधन्दाकाये  
मतेधका आज्ञादयेकुगुन्यना कुमारपिन्नाह्मस्मानं तथासुधका वचनकया मुनीश्वरयागु आज्ञार्थे शाकोटक वनया  
गुसिमाध्वना अनंतं छेँ दयेका वर्तमानयानाचोन ॥ ॥ थर्वेलसहिमालय परवतया वशिपरी चोनाचंपिं व्यापारि  
लोकपिसं काशिकोशल देशस व्यापारयावनेधका ओगुवेलस शाकोटकवने नगरवसेजुया चंगुखना अनंतं व्यापार  
यानाचोन ॥ गुलिकाशिकोशलदेशसवन ॥ ॥ काशिकोशलदेशया व्यापारीलोकपिसं थुगुसमाचारन्यना शाको  
टकवने व्यापारयावनेधका मालतालजोनावया व्यापारयानाचोन ॥ ॥ कथथेवंस्ति आपालंदया सहरवनेजु  
या शाकोटक नगरधका लोकनाम प्रसिद्धजुल ॥ ॥ थनंलिछन्हुयादिने कुमारपिन्नाह्ममुना सहजुल ॥ गथ  
धालसा ॥ कपिलमुनियागुदयां वस्तिछगूजा दत्त तर गृष्टिधर्मेचोन्यत विवाहसयास्येमज्जू ॥ रीतसुनांकन्यादानवी  
पुजापिनि कन्या व्याहायायेधालसा जातिदोष लाइधका गणनामातु भगिनी दुहित माया तताकहेपिनि मचा  
त व्याहायाना पुजाप्रति पालयानाचोन ॥ ॥ थुगुप्रकारं निदपिद दयावसेलि छन्हुयादिनेसुजाता माहाग  
जां राजकुमारपिलुमंका मंत्रियाकेन्यनं ॥ ॥ हेमंति थउकन्हे राजकुमारपिं गनचोनाचोन प्याहावस्यंनिस्पं थ



॥ ललि ॥

॥ १७ ॥

उतक हालखवरछुंमदु ॥ छंस्पुलाधका न्यस्पंलिमंत्रिविन्तियात ॥ ॥ माहाराजछलपोलयापुत्र राजकुमारपिंन्याहं  
हिमालय पर्वतया समीपेचंगु शाकोटकधयागु वनक्षाना नगरदयेका जातिदोषलाइधका मांया तताकेहेपिनि मचात  
व्याहायाना जुजु जुयाचोनधका मंत्रिं विन्तियागुन्यना मुजाता माहाराजां आज्ञादयेकाविज्ञात ॥ ॥ हेमंत्रिमांया  
तता केहेपिनि मचात व्याहायायेज्पूला जाति दोषमलालाधका आज्ञादयेका पुरोहित सअतव्यछोयान्यन ॥  
भोगुरु क्षत्रजातं मांया तताकेहेपिनि मचात व्याहायायेत्पोलाधका न्यस्पंलि पुरोहितंविन्तियात ॥ ॥ हेराजन् मांया  
तताकेहेपिनिमचात व्याहायानां छुंदोषमदु ॥ धर्मसाखे चोयातवगुदु व्याहायायेज्पू छुंदोषमदुधका विन्तियागुन्यना मु  
जाताराजा खुसिजुया विज्ञात ॥ ॥ थनयाखथुलि ॥ ॥ थनंलिछुहुयादिने राजकुकिजान्याहं मुनासल्हाजुल ॥ ग  
थधालसा ॥ नगर वसयेजुल अनेकदेशया वपारिवया वपारयावल ॥ राजकुलछगु मद्यकंमज्पूधका सल्हायाना क  
पिलमुनियागु आश्रमेवनाविन्तियात ॥ ॥ मोमुनिश्वर छलपोलयागुदयां नगरवसयेजुल राजकुलछगु मदुनि गन  
दयेकेमालिधका विन्तियास्पंलि कपिलमुनिं आज्ञादयकाविज्ञात ॥ ॥ भोकुमारपिं राजकुलदयेकगु इच्छाजुसा  
जिगुथ्वहे आश्रमे राजकुलदयकि जि मेगु आश्रमे चोवने धका मुनिश्वरं आज्ञादयकुगुन्यना कुमारपिं न्याहस्पानं तथा

॥ लरः ॥

॥ १७ ॥



सुधकाधका मुनिश्वरया चरणाकमले भोपुया ल्पाहविज्याना मुनिश्वरया आज्ञार्थं राजकुलदयका कपिलमुनियागुनांक  
कया कपिलवस्तु माहानगरधकानांछुना ज्येष्ठोह्य ओपुर राजकुमारयात कपिलमुनि विज्यानाकपिलवस्तु माहानगरयागु रा  
ज्याभिषेकविया कपिलमुनि तीर्थविज्यायेधका गंगासागरविज्यात ॥ ॥ ध्वनगर गथिंगु धालसा क्षमाधारी लोकपिंसं  
वासयानाचंगु सदांसुभिक्षे दुःखी कंगालसुंमदु धनसंपत्तिसल किसि सा मे आदिं सकतानं पुर्णजुयाचंगु कपिलवस्तु  
नगरया राजा ओपुर ॥ ध्वयापुत्र राजासिंह हनु ॥ सिंहहनुयापुत्र शुद्धोदन १ धौतोदन २ शुकोदन ३ अमृतोदन ४ ह्य  
कुमारपिंदू ॥ अमिताधयाह्य कन्याछह्यनंदु ॥ सिंहहनु माहाराजा राजकुमारपिंत व्याहायायमलावं स्वर्गवास जुसंलि  
ज्येष्ठोह्य शुद्धोदन राजाजुल ॥ ॥ स्त्रीमदयेकं मज्जुधका दूतछोया मायकेच्छत ॥ ॥ ध्ववेलस ऊहधयागु नगरे  
सुभूतिधयाह्य क्षत्रीछह्यणा न्हयह्यकन्यादु ॥ माया १ माहामाया २ अतिमाया ३ अननमाया ४ वुलिका ५ कोकिला ६  
प्रजावती ७ न्हयह्य कन्यादु धका धागुसमाचारन्यना सुभूतिशाकया छेवना सोवले सकलयसिनं मायादेवी प्रधानर  
न ॥ रूपगुण लक्षणा सकतानंपूर्ण ॥ ध्वसमान कन्या जंम्बुद्वीपे सुंमदु धका खुसिजुया ल्पाहांवया शुद्धोदन राजाया न्होन्य  
चोना मायादेवीयात प्रसंसायागुन्यना शुद्धोदन माहाराजं पुनर्वार हाकनं दूतपिं छोया कन्यादानफोंकछोत ॥ ॥



॥ ललिः ॥

॥ १८ ॥

दूतपिं वना शुद्धोदन माहाराजायात मायादेवी कन्यादान वरसंपलि सुभूति विनित्यात ॥ भोवांहराजिगुपतिज्ञाछगुडु छु  
धालसा चिकिठीकपिं खुहं कन्यादान मयासं मायादेवीकन्यादानवीमखु ॥ कन्यापिंखुहं दानयायेधुसंपलि  
शुद्धोदनमाहाराजायात मायादेवी कन्यादानवीधका विंतियानावुधका विंतियागुन्यना दूतपिं ल्पाहावया शुद्धोद  
न माहाराजायाके विंतियासंपलि शुद्धोदनमाहाराजं आज्ञादयेकाविज्यात ॥ भोवाहरा आमथ धासंपलि किजा  
पिनिनं व्याहामधुनि न्हयसंशित कन्यादान वुधकाधा धका आज्ञादयकुगु न्यना वांहरापिं वनाविंतियात ॥  
भोसुभूती शुद्धोदनमाहाराजं छलपोलया मैत्रापिं न्हयसं व्याहायायेधका आज्ञादयका विज्यातधका धागुन्यना सुभूतिनं  
आज्ञादयेकाविज्यात ॥ भोवाहरा आमथे आज्ञाजुसंपलि दिनवेला ठहरेयानाविज्याहुं धका सुभूतिनं विंतियागुन्यना  
ल्पाहावया राजायाकेविंतियात ॥ शुद्धोदनमाहाराजं भिंगुदिनस्वया मायादेवी प्रजावती निहकन्या शुद्धोदनमहारा  
जां व्याहायात ॥ माहामायाव अतिमायानिह धोतोदनं व्याहायात ॥ अनंतमायाव चुलिकानिह सुकोदनं व्याहायात ॥ को  
किलाछह अमृतोदनं व्याहायानाहल ॥ मायादेवी व्याहायायेगु रिंनिद न्हापा श्वेतकेतु बोधिसत्वं नुधिताभुवने  
विज्याना मां वो जुशपिनिगु गुण लक्षणा विचारयाना विज्यातधका श्रीभगवानं मैत्रीबोधिसत्वं प्रमुखंसकलसभालो

॥ स्तरः ॥

॥ १८ ॥



कपित्ता आज्ञादयेका विज्ञात ॥

॥ इति श्री ललितविस्तरे कुलपरिशुद्धि परिवर्तो नाम तृतीयोऽध्यायः ॥

शाकवृक्ष प्रतिच्छन्नं वासं यस्मिन् प्रचक्रिरे ॥

तस्मादिक्ष्वाकुवंशपासे भुवि शाक्या इति स्मृताः ॥ ३ ॥

शाकधका धयागुप्तिमां व्याप्तजयाचंगु वनेवया भूमिसं वस्तिहयकाचन ॥ भूमिगु संतान्यात शाक्यवंश धका पृथिवी  
मण्डले नाम प्रख्यातजुल ॥ ॥ भूपिंजा चक्रवर्ति इच्छाकु महाराजायावंश ॥ भुवल्पनिस्पं भूमित शाक्य  
वंशधका लोके प्रख्यातजुल ॥ थउतक भूमिगुवंशे जन्मजुया विज्ञाकह्य श्रीभगवान्यात शाक्यसिंह शाक्यमुनि  
धका धयातल ॥ ॥ थसपोलया सिषपित्त शाक्यभिक्षु धका लोके प्रख्यात जुयाचोन ॥ ॥ ॥



॥ ललि ॥

॥ १८ ॥

पुनर्वार श्रीभगवानं आज्ञादयकाविज्ञात ॥ हेभिक्षुगणपिं श्वेतकेतुबोधिसत्त्वं जम्बुद्वीपे जन्मज्जविज्ञायधका धर्मोच्चय प्रा-  
शादं क्वाहाविज्ञाना उच्चध्वजधयागु माहाविमाने थाहाविज्ञाना दक्खदेवपुत्रपितं निमंत्रणायाणा आज्ञादयकाविज्ञात  
॥ ॥ हेदेवपुत्रपिं वावाह्मिपिंसकल्पंवा ॥ न्हापाजुयावपिं तथागतपिंसं आज्ञादयकावंगु ॥ चुत्पाकारप्रयोगधया  
गु ॥ देहत्पागयाणा वनेत प्रयोग यायमागुधर्म समरुनायाके छिपिंयाकनं वा धका श्वेतकेतु बोधिसत्त्वं आज्ञादयकुगु  
न्यना तुषिताभुवने विज्ञानाच्चपिं नुसितकाशका देवपुत्रप्रमुखं अफरागणपिं सकल्पं थुगुविमाने जन्माज्जविज्ञात ॥  
॥ थनंलि श्वेतकेतु बोधिसत्त्वं देवपुत्रपिं ओकथं छसिंनिसं जग्गाशतया चतुर्द्विपे लोकधातु विस्तारप्रमाणं  
महामण्डलदयकाविज्ञात ॥ गथिंगु माहामण्डल धालसा चित्रविचित्र स्वस्वस्वयमगा ॥ थुगुमण्डलखना कामावचरा  
धयागु भुवनेविज्ञानाच्चपिं देवपुत्रपिं सकलानं थवशु भुवनयात इमशान तुल्यधका इमशानसंज्ञा यानाविज्ञा  
त ॥ ॥ थनंलि श्वेतकेतु बोधिसत्त्वं माहामण्डलयामध्येसच्चंगु एत्तयागुसिंहासने विज्ञाना [ धर्मा लोकमुखधया  
गु ] रूपावचरा धर्मविचार यायगु धर्मयागुकथा व्याख्यानयाना विज्ञात ॥ हेदेवपुत्रपिं देहत्पाग यानावन्पत गुगुशमती  
तया देहत्पागयाई उगु २ फलथुमितलाई ॥ ॥ भगवान्यात स्मृतितया लुमंका नांकया देहत्पागयाणा वनेफुसा स

॥ स्तरः ॥

॥ १८ ॥



मंतदर्शीजुया सकलविशुद्धियागु ज्ञानं पूर्णजुह्वजुह्व ॥ धर्मयातस्मृतियाना देहत्यागयातसा धर्मयागु विशुद्धिद्वक्कं कन्यफुल्ल  
जुह्व ॥ संघयागु नांकया देहत्यागयातसा न्याययाना न्यायंत्याक्यफुल्लजुह्व ॥ थुगुप्रकारं छुछुमत्तितया देहत्यागयाह उगु २ फ  
लथ्वयातलाह ॥ ॥ मरणोयागतिर्भवति जन्मेसा गतिर्भविष्यति ॥ ॥ मरणाजुह्वले छुमत्तितया देहत्यागयाह जन्मजु  
ह्वलेसं वहेगति वना भोगयाहधका श्वेतकेतु बोधिसत्त्वं आज्ञादयकाविज्यात ॥ ॥ थुगुधर्मन्यना देवपुत्रपिनि मती  
अनुत्तर ज्ञानलाना मोक्षपदलानावनेधका मतीतया स्वां पासलं वृला प्रसन्नजुयाविज्यात ॥ ॥ पुनर्वार हाकनं श्वेतके  
तु बोधिसत्त्वं आज्ञादयकाविज्यात ॥ ॥ भोदेवपुत्रपिं छिमिसं न्हापापुर्वजन्मे धर्मयानाओगुलिं थउछिपिं देवपुत्रधाय  
का अफरापिनि वनाप सुखभोगयाना चोन्यदत धकासीका पापकर्म यायेगुतोति पापकर्म यातसा अवीची नरकेवना नरक  
भोगयायेमालि ॥ जिगुउपदेशन्यंसा छिमित अनन्तसुखजुह्व ॥ संसारेनित्यवस्तुछुंमदु गुलिंस्पनावनिगु गुलिं फुनावनि  
सदांथीरछुंमदु ॥ संसारधयागु मायास्वरूप पलपसाथं क्षनमात्रनं प्रकाशजुह्व तत्कालनं नाशजुह्व समुद्रयागुफीन  
थं थीरमजुधका सीका कामभोग यायेगुली रसयायेमते ॥ कामभोगं गवल्यं तृप्तजुह्वमखु गथ्यचिसवा वगु लखत्वने  
वले रुहंत्वनेगु शच्छाजुह्व वतोथं कामभोगनं गवल्यं तृप्तजुह्वमखुधका सीका विचारयानास्व ॥ संसारअनित्ये सिनाव



॥ ललि ॥

॥ २० ॥

न्यवले मां वो दाजु किजा कलाशृ मित्र सुं वश मखु केवल पापपुण निहजक वश ॥ पापयाह्न नरक वनि धर्मयाह्न स्वर्ग व  
नि धका सीका थिथिं माया प्रीति तथा मैत्री चित्तया ना परउपकारि जुया बुद्ध धर्मसंघयागु भजनाया धर्मया कथान्यो शुचि  
नेमया ना दानपुंन्य यायेगुलि सदां रसया क्षमा धर्मचो थुलिया साजक सदां कल्याण जुश ॥ दुःख धयाह्नया सरीर आकार  
कुं महु अनित्य स्वभाव धका सीका चानं हिनं धर्मया ॥ धर्म थं त धंगु नित्य वस्तु मेता कुं महु ॥ स्वस्व छिमिसं जिगु दिव्य दे  
हयागु प्रभाव गुण ज्ञान लक्षणा तेजवल बुद्धि पराक्रम दृक् स्व ॥ जिं पूर्व जन्मे याना वयागु धर्मया प्रभावं थ थिंगु फल  
जितलात ॥ छिमिसनं पुर्व जन्मे धर्म कर्म याना वगुलिं देव पुत्र धायका सुख भोग यायेदत अथं धर्मया कथान्यना रा  
ग द्वेषं उत्पत्ति जुया च्वंगु पापयात नाश याना छो अभिमान अहंकार यायेमते [अहं मम धयागु] नरक वनि गुमार्ग धका  
सीका छिमिसं तोती ॥ हाकनं गनं वसां गन धर्मयात निन्दया ना खं हाना च्वनी उगु थानस गवल्पं छिपिं च्वनेमते अधर्मि  
वनाप गवल्पं संगत यायमते धका आज्ञा दयेका विज्यात ॥ ॥ इति श्री ललित विस्तरे धर्मा लोक मुख परिवर्तनाम च  
तुर्थोऽध्यायः ॥

यं यं देव कुले सानं स्मृत्वा ये ये स्मृता नराः ॥ तस्य तस्य लयं नूनं ते ते यान्तीति संमतम् ॥ ४ ॥

॥ स्तरः ॥

॥ २० ॥



गुह्य२मनुष्यं प्राणान्ताग यायेगुवेलास गुह्य२कुलयाश्चरजुयाचंपिं देवतापिंत स्मृतियाना नांकया प्राणान्तागयाना सिनावनी  
उह्य२देवतायाथानस वासलाश्चका निश्चयेयात थतधगुमतधकासीकी ॥ पुनर्वार श्रीभगवानं आज्ञादयकाविज्यात  
॥ हेभिक्षुगणपिं श्वेतकेतुबोधिसत्वं सकल सभालोकपिंत धर्मउपदेशवियाचित्त सतोषयाना छेमापनयाये धुसंलि मङ्गल्य  
धयाह्य देवपुत्रयात निमंत्रणायाना आज्ञादयकाविज्यात हेमङ्गल्यजिजाजंबूद्वीपे जन्मजुवन्त्यत्पल ॥ जिंन्हापा पुर्वजन्मे  
बोधिसत्त्वजुया बोधिसत्त्वपिसं यानावगु बोधिचर्यावतदक्कं पुरेयाना वयेधुन ॥ थगुपुणंजित चोयकल जिवनेमाल मवंसा  
कार्ययागु औसर मस्पृह्यजुश्च अथयानिंतिं जिवनेजुल ॥ गुथायत अनुत्तराया सम्पक्कं बोधिज्ञान लायमफुत उथायत फेर  
थगुभुवने वयमखुतधका आज्ञादयकुग न्यना तुषिताभुवने विज्यानाचंपिं देवपुत्रपिं सकल्यं खयापालिनिणंज्वना वि  
नित्यात ॥ हेसत्पुरुष छलपोल मदयेका जिपिं गथ्यचोनाचोन्य जिमित मुनां सने कनेयाश्च छलपोलमदयव थु  
गु भुवनया छुं स्वभादश्चखुधका खोयाविनित्यासंलि बोधिसत्त्वं आज्ञादयकाविज्यात ॥ भोदेवपुत्रपिं जिमदु  
धका छिमिसं धन्दाकायमते छिमित उपदेशवीह्य मैत्रीबोधिसत्त्वदु थ्वसपोलं सने कनेयाश्च थयागु उपदेशन्यनाचो छि  
मित कल्पागाजुश्च धका बोधयाना मैत्रीबोधिसत्त्वयात थवगु सिंघासनेविज्याका थवगुतिलहिल मदुकसमेतं त्वयामैत्री बोधि



॥ ललि. ॥

॥ २१ ॥

सत्त्वयात पुयेका जुवराज पदविया अभिवेकविया आज्ञादयेकाविज्ञात ॥ हेसत्पुरुष हेमेत्री बोधिसत्त्व जिवनेतेल जि  
गुलिपा अनुत्तराया सम्पक् संस्वोधिज्ञानलाइह छ जुइ जिगथाछिमित नित्यधर्म उपदेशवियाचोना ॥ वतोथं छननित्य धर्म  
उपदेशवियाचो परनु छंगुमनोरथपुर्णजुइधका आशिर्वादविया पुनर्वार हाकनं देवगगायातस्वया आज्ञादयकाविज्ञा  
त ॥ ॥ भोदेवपिंजिजन्मजू वनेत छुरूपकयावनेधका आज्ञादयकुगुन्यना देवपुत्रपिसंविंतियात ॥ ॥ भोसत्पुरु  
षछलपोलं मनुषयागु रूपकयाविज्ञाहुं धका विंतियात ॥ गुह्यस्नानं ब्रह्मायागुरूपकयाविज्ञाहुं धकाविंतियात ॥ गुह्य  
स्नानं गंधर्वयागु रूपकयाविज्ञाहुं धका थुगुप्रकारं मतीलूथ्ये महादेवइन्द्र चन्द्रसूर्ये गरुडआदिं रूपकयाविज्ञाहुं ध  
का विंतियागुन्यना ब्रह्मकाइका धयागुभुवने विज्ञानाच्वंस्स उग्रतेजधयास्स देवपुत्रं आज्ञादयकाविज्ञात ॥  
भोदेवपुत्रपिं छिमिसं छुरखल्हाना ॥ गथ्यवेदमंत्र शास्त्रे च्यातल बहेप्रमाणायाना गर्भवासजूविज्ञाई ॥ ॥ गथ्ये  
धालसा ॥ मत्ताहकिसिजुया खुपुदंतनं सहितयाना सुवर्णाया तिलहिलनंतिया च्वापुसमानं नुयुजुया छ्योछगजक  
ह्याउसिन्हथंलालवर्णा हृष्टपुष्टदेहजुया जन्मविज्ञाइधका आज्ञादयकुगुन्यना देवपुत्रपिं सकस्नानं खखधका बोध  
जुयाचोन ॥ ॥ थनंलिश्वेतकेतु बोधिसत्त्वं जन्मजूविज्ञायेत शुद्धोदनमाहाराजाया राजगृहेच्यागुप्रकारया अपुर्व

॥ स्तरः ॥

॥ २१ ॥



लक्षणा उत्पत्तियानाविज्ञात ॥ ॥ हापांतु राजाति धू त्याफि चाग वाक् आदिं लुफी हाशु ॥ कथंकशुगवसुदकं कुरुव  
नेमदया लोपजुयावन ॥ ॥ मनयात आनन्दजुशु शीतलवायुवहेजुल ॥ ॥ भुजिलापापति सर्पविछे आदिं दुष्ट  
जनपिंछ हंमदयावन ॥ ॥ हिमालयपर्वतस चोनाचंपिं पट्टु मुगा कोकिल राजहंस कलखा हयखा आदिं चित्रविचि  
त्रजुया वांलानापेमं मधुरबोलिजुयाचंपिं पंक्षिगणपिंवया शुद्धोदनमाहाराजाया अन्नपुरे सकभनंजुना प्रेमजुयक मधुर  
बोलियानाहालाचोन ॥ ॥ हाकनं शुद्धोदनमाहाराजाया वगीचाम हापामदुग नानाप्रकारयागु फलफुल स्वांसि  
मा आदिं उत्पत्तिजुयावल ॥ ॥ राजगृहेसं भोजनयायेगुवसु घोचिकं कलि चिनी जाकि वजिआदिं भोजनविष  
येदकं पुर्णजुयावल ॥ ॥ हाकनं वगीचाम दयेकातयागु प्रखुपत्तिं निर्मलजलं पुर्णजुया चक्रप्रमाणां पलेखां चओ  
खां आदिं होयावल ॥ ॥ राजाया अन्नपुरेसं मंगलयायेगु वाद्यभेशमृदंग ताल करताल वीणा वासुश आदिं नुर्यभांड  
दकं अकस्मात् सुनानंथायेस्वाक आफेथाना मंगलशब्द नंकल ॥ ॥ राजाया धुकुतीसं सुवर्ण मणिमानिक हेरामो  
ति पन्ना वैदुर्य शंखपठर आदिं धनसंपत्तिदकं पुर्णजुल ॥ ॥ बोधिसत्व गर्भवास चंविज्ञाशुखुनु मायादेवी सुथहा  
पांदना स्नानयाना श्रीखंडं शरीरे लेपनयाना पाठयागु नीलवस्त्रं पुना नानास्त्रया आभरणांतिया शुचिनेमयाना सखि



॥ ललि. ॥

॥ २२ ॥

जनपिं सकल्पं मुंका अन्नपुरे विज्ञाना शुद्धोदनमहा राजायाको विंति यात ॥ हे स्वामि जिंछता वरदान फोने धका व  
या छु धालसा वर्त राजा जया च्वंगु अष्टमिवर्तयायगु इच्छा जुल ॥ थनि निस्पं प्राणिपिना हिंसायायमखुत सदां शुद्ध भाव  
याना थवगु सरीयात गथे प्रेमयाना वतोथं परयातनं प्रेमयाये जुल ॥ हाकनं कायवाक चिन्तयायेगु रिगु पापदु ॥ अभि  
मानयायेगु ॥ कर्काधने लोभतयगु ॥ असत्पखं ह्यायगु आदिं दक्कं तोत्प जुल ॥ थनि निस्पं जिं वनाप कामभोगयायेगु इ  
च्छाया ना विज्ञायमते ॥ शुद्ध स्वभावजया शुचिनेमयाना अन्नः पुरे चोना दक्क सखिपिसं सहितयाना सुख आनन्दनं वर्तया  
ना च्वने ॥ जिं वर्तयायगु थानस मिजं मचात छहं तयमते ॥ जिगु मती मलोगु ल्वाइगु हालिगु खोइगु शब्द कुं न्यं कोमते  
॥ मलमुत्र आदिं दुर्गन्धवस्तु कुं न्यो न्यतयमते जिगु मती लोथे मधूरगीत याका विज्ञाहुं ॥ हाकनं वंधनयाना वंधनागा  
रे कुनातयापिं वधुवा जनपिन्ननं धनसंपत्ति तिसा वसविया वंधनं छुतयेयाना विज्ञाहुं ॥ हाकनं जगतयात सुखवियत अन्नपा  
नवस्त्र सलकिसि रथ आदिं ह्यहुतक दानप्रदानयाना विज्ञाहुं ॥ हाकनं छलपोलं वादविवाद रुकर तकर कलहयायगु तोता  
थिथिं परसपर मैत्री चित्त हितचित्तयाना कपिलवस्तु नगरे चोना च्वपिं स्त्रीपुरुष दारक दारिकापिन्न गथे देवतापिसं स्वर्गे न  
न्दनवगीचास सुखनं रमणयाना च्वनि वतोथं रमणयाका विज्ञाहुं ॥ प्रजायात दण्डयायगु स्थायेगु पालेगु दक्कं तोता मैत्री चित्त

॥ स्तरः ॥

॥ २२ ॥



याना गथे याक काययात मां वीनं पियारोयाइ वतोथं प्रजायात पियारोयाना पुत्र समानयाना पालनायाना विज्याहुं धका माहा  
रानीं विन्तीयात ॥ ॥ माहारानीं विन्तीयागु न्यना महाराजा खुसिजुया आज्ञादयका विज्यात ॥ ॥ भोस्त्रीमायादेवी छंविं  
तियागु न्यना जि खुसिजुल छंगु इछजिं पुरेयाना वीधका आज्ञादयका अनपुण्यागु ज्या याना चंस्स वैथकियात सतकेछोया आ  
ज्ञादयका विज्यात ॥ ॥ हेफलाना माहारानी विज्याकत अनपूरे सुद्यरयाकि थानथानस छत्रध्वज प्रताप चामरतया इ  
लाप्यना लासा आदिं लाया श्रीखण्ड आदिं धूपधना सुगंध वासवयकाति ॥ माहारानी रक्षायायत सरवीरजुया चंपिं जङ्गि सिपा  
हीयात कवचंफिका सर धनु त्रिशूल आदिं हठियार चंका चोकि पहरातया बुधका शुद्धोदन महाराजं आज्ञादयक गुन्यना त  
त्कारनं तयारयात ॥ ॥ मायादेवीनं हानं स्नानयाना श्रीखण्डादि लेपनयाना शुद्धवस्त्रं तिया असंख्य सरविपिं मुंका गथेश्व  
र्गे सचीरानीनं देवकं न्यापिं मुंका वैजयन्त धयागु प्रासादे थाहा विज्याइ वतोथं नाना प्रकारया नुर्यपुयका मनोज्ञ शब्दन्यना  
अनपूरे थाहा विज्याना अष्टमिव्रत आरंभयाना विज्यात ॥ [ थनया खंथुली ] ॥ थनं लिछ्छुया दिने चतुर्माहाराज ध्वजराष्ट्रवि  
रूढक विरूपाक्ष कुबेर देवयाराजा इन्द्र तुषित धयागु सुनिर्मित धयागु वशवर्ती धयागु भुवने विज्या चंपिं देवपुत्रपिं ॥ हानं मा  
रपुत्र सार्थवाह साहाभुवनया मालिक बंस्सा सुबंस्सा प्रभाव्यूह धयास्स देवपुत्र आदिं ॥ हानं शुद्धावासकाशका धयागु भुव



॥ ललि ॥

॥ २३ ॥

नेविज्यानाचोपिं महेश्वरदेवपुत्र प्रमुखं सकल्पं मुना सहजुल ॥ गथधालसा श्रीसकस्यांगुरुजयाविज्याकक्ष श्वे  
तकेतु बोधिसत्त्व वसपोलयात श्रीसंतोतेमालि वरामखुथजुल तरवसपोलवनाप सदाकालं नापचोनाचोन्यफइमखु ॥ अथज  
मानं तुषिताभुवनं क्वाहाविज्याना गर्भवासजूविज्याइवले जन्मजइवले वालावस्थान नानाप्रकारं लीलायाना कनिवले ॥ राज्य  
त्यागयाना प्याहाविज्याइवले ॥ तपस्यायाइवले मारधर्षणायाना सम्पकसंबोधिज्ञान लाना धर्मचक्र प्रवर्तनयाना विज्याइवले प  
र्वपर्वकालपत्तिं शिपिंवने फइमखु धका आज्ञादयकुगुन्यना चातुर्माहाराज काइकाधयागु भुवनेचोना चंपिं ॥ हाकनं यामाध  
यागु तुषिताधयागु भुवनआदिं १३ गू भुवने चोना चंपिं देवपुत्रपिसं आज्ञादयकाविज्यात ॥ ॥ भोदेवपुत्रपिं श्री  
सं सदाकालं वसपोलवनाप चोनाचोन्यफइमखु ॥ अथनं फुथायतयायमा ॥ थनिनिसंश्रीसं धनआर्जनयायगु स्त्रीवना  
परसरङ्गयायगु जपतप ध्यानयायगु दृक्कतोता वसपोलयागु सेवायावनेमा ॥ गर्भवासजूविज्याइवलेसं शिपिंवना देववाद्य  
थाना नुर्यपुया वसपोलयागु गुणवर्णनायावने ॥ थखन्यना लोकपिसं बोधिज्ञानलाना मोक्षवन्पगु इच्छायाइ हाकनं  
शुद्धोदनमाहाराजाया राजकुले पुष्पद्वष्टियाना श्रीवरगडदिचुर्गा धूपथनावी ॥ धूपयागु वासनां देवमनुष्यपिनिमती उ  
त्ताहवढेजुया ज्वरआदिं रोगशान्तजुयावनी ॥ हाकनं ग्वलोतगर्भवासविज्यात वलोत प्रसंनगुमनयाना प्र

॥ स्तरः ॥

॥ २३ ॥



जायावने ॥ देवमनुष्यपित्त असुल्परत्नलाभजुल ॥ ॥ छुयानिर्ति धालसा बोधिसत्त्वजन्मजुयमात्रां न्हयपलाछिना  
विज्जाइ ॥ बुद्धाश्च वया निहस्यनं फयाकाइ ॥ असंख्यदेवलोकपिं वया गंधोदकं स्नानयाकइ तअधिकजुसंलि अन्नः  
पुरेविज्जाना लोकाचारयाना लिपाएज्जदक्कंतोता भिक्षुजुया बोधिमण्डपस विज्जानातपस्यायाना मारयात त्पाका बोधिज्ञा  
नलाना धर्मचक्र प्रवर्तनयाना निर्वाणपद मलातल्पंशीसं पुजाभावयावनेधकासल्लह्यानाचोन ॥ [थनयागुखथली] ॥ थ  
नलिकामधातु धयागुभुवने चोनाच्चपिं अप्पारागणपिसं श्वेतकेतुबोधिसत्त्वयागु लावन्नपरखनाधाल ॥ अहोआश्चार्यथ  
थिंस्स शुद्धसत्त्वयात गर्भधारणायाइस्स कंन्यासु गथिंस्सजुइ थ्वसपोलयात दर्शनयावन्नमाधका सल्लह्याना रात्रीया द्वी  
तीयपहरे पुजायायेगु सामाग्निज्वनास्वर्गं काहावया शुद्धोदन माहाराजायागु अंतपुरेवनास्वत ॥ मायादेवीस्सछ्छं फां  
गांतोपुया घनाचोन तुतियागु ह्मालापचिं छपचिंमात्र दर्शनलात ॥ खनामात्रनं खुमिजुया फांगाउयका सोवले माया  
देवीयागु रूप लावन्नपरखनापरसपर थिथिंस्सास्वयाधाल ॥ ॥ अहोआश्चार्यस्वस्व मायादेवीया रत्ना क्वावांला  
शीसं स्वयवले रूपिंति वांलापिं सुंमदुधका अभिमान यानाचोन मायादेवीस्वया रीगु लावन्नपरपजा खिउस्पवन थ्वजा  
कामदेवया कलारतीदेवी थ्वयासिनं अधिकंसुंदरी ॥ गुणालक्षणां पुराजुयाचोंस्स ॥ धन्दे २ मायादेवीगथ्य शुद्धगुथले र



॥ ललि ॥

॥ २४ ॥

तत्रतयवले रत्नयागुतेजं थलयागु सोभादृश्वताथं वोधिसत्त्वंवासयाना विज्याइगुगर्भशुद्धजूधका अंगलक्षणाविचा  
रयानास्वत स्वस्वं स्वयमगाकमिखात्तृप्तमजू ॥ रत्नापुराचन्द्रमायाथं तेजसुर्ययाथं निर्मलमानु पाकालातयागुसुव  
र्गाथं ह्यासुवर्गा ॥ केशभमरयाथं हाकुसे पालापालाथी ॥ पलेस्वांयागुपत्रथं वालावालाचिंगुमिखा ॥ नगुथं थीगुवा ह्य  
धनुकयावान ॥ देहपुष्ट ॥ लपा खंपाकिसियाथं ॥ तुतियागुपालिनिपां ह्याउसे लालवर्गाजुया च्वंस्स माहारानीखना नारिफया  
त ॥ थजापक्का मनुष्यकंन्यामखु देवकंन्याधका पूजायाना स्वांपासलं वृला अनियाना थवगुभुवनेसंतुं ल्याहावन ॥ ॥  
थनंलिबोधिसत्त्वं गर्भवासजूविज्याइखुनु चतुर्माहाराजपिं पण्ह इन्दुआदिं देवगणापिं कुंभाण्ड राक्षसदैत्यकिंनर नागलोकआ  
दिं सकल्यंवया मायादेवी विज्याना च्वंगु अन्नपुर रक्षायायधका खडग धनुशरशक्ति आदिंज्वना बोधिसत्त्वं गर्भवासजूविज्या  
यव पुजायायेधका अन्नःपुरयावरीपरी छुचारखरं विज्यानाचोन ॥ ॥ थनंलितुषिताभुवने विज्या च्वंस्स श्वेतकेतुबोधि  
सत्त्वं जन्मजूविज्यायत तयारजुयाविज्यागुखना तुषिताभुवने विज्याना च्वंपिं देवपुत्रपिं सकल्यंमुना मुलाकातयायेधका  
पुजायायेगुसामाणीज्वना नापलायेधकावल ॥ थुगुप्रकारं चतुर्माहाराज काशकाधयागु ॥ निर्मानवतीधयागु ॥ परनिर्मि  
त वशवर्तिधयागु भुवनेचोना च्वंपिं देवपुत्रपिंनं विज्यात ॥ हाकनं चयेणदोल अपरागणापिं सकल्यंवया नानाप्रकारं

॥ स्तरः ॥

॥ २४ ॥



पुजाया भेषपुया मंगलयानाचोन ॥ ॥ थनंलि श्वेतकेतुवोधिसत्त्वं श्रीगर्भधयागुसिंहासनेविज्ञाना २० दोलप्रमाणं देवनाग  
असुर जक्षगक्षस गरुड किंनर आदिं देवगणपिसं चाउयका नानाप्रकारं पुजायाका पुषाष्ट्रियाका धर्मोच्चयधयागु माहविमा  
न न्याकाजं वृद्धीपसकतहल ॥ ॥ थवेलस श्वेतकेतु वोधिसत्त्वं थवगुमशरं रस्मिपिकया स्वर्गमर्त्य पाताल आदिं दक्कभुवने  
सं खयकेळुत ॥ रस्मिंखयामात्राणं दकोलोकपिनिमनस हर्षमानजुल ॥ नरकेचोना च्वंपिं तीर्थकजोनि जन्मजुया च्वंपिं प्राणि  
पिं सकसां नानाप्रकारयाग दुःखहरणजुया सुखप्राप्तिजुल ॥ रोगजुया च्वंपिनि रोगशांतजुल ॥ राग द्वेष मोह कोधलोभ आदिं द  
या च्वंपिनि राग द्वेषादि दक्कं शांतजुयावन ॥ ॥ थुगुविमान कोतहयेत कोटान्कोटी देवलोकपिसं ज्वना ॥ गुलिस्मानं  
लाहतिंफया ॥ गुलिस्मानं वोहलेहिका ॥ गुलिस्मानं छेलेहिका नानाप्रकारं देववायथाना जात्रायाना मर्त्यमण्डलसकोतहल

॥ इति श्रीललितविलारे प्रचलितपरिवर्तनाम पंचमोऽध्यायः समाप्तः ॥ ५ ॥

लोके भगवतो लोकनाथा दारभ्यकेवलं ॥ येजन्तवो गतक्लेशा वोधिसत्त्वा नवेहितान् ॥ १ ॥ ॥ थ्वसंसारे लोकपिनिनाथजु  
या विज्ञानाच्चं ह्य श्रीशाक्यमुनिभगवानं निस्पं आरंभयाना राग द्वेष मदया च्वंपिं गुलितप्राणिपिं दयाचन थुपिंदकों वो  
धिसत्त्वधकासीकी ॥ १ ॥ सागसेपि नकुण्णन्ति क्षमया चोपकुर्वते ॥ वोधिंस्व स्पेव नेच्छन्ति येविश्वधराणोद्यमाः ॥ ॥



॥ ललि ॥

॥ २५ ॥

बोधिसत्त्वध्यापिसं न्यागुअपराधयासानं कोपयाश्मखु क्षमायाना थ्वयातनुं उपकारयाश् ॥ हानंथमंजक बोधिज्ञानलायधकाश्  
च्छायाश्मखु केवल जगतउद्धारयायेधका उद्यमयानाचोनि थ्वयातबोधिसत्त्वधाश् ॥ पुनर्बोर श्रीभगवानं आज्ञादयकाविज्जात  
॥ हेभिक्षुगणापिं थनंलि शिशिररितु वितयेजुया वसन्नरितु जुस्पंलि वैशाक शुक्रया पुन्हीखुहु विशाखानक्षत्रं संजुक्तया  
ना उषोषधव्रतयानाच्चंस्स मायादेवीयागर्भ वासयायेधका तुषिताभुवनं द्वाहाविज्जाना स्मृतिनं सहितयाना सकलव्रना  
प कुशलवार्तायाना विदावादीजुया बोधिसत्त्वयागु रूपतोता चापुसमानंतुयूगवर्णा ॥ छोँछगजकरक्तवर्णा जयाच्चंस्स  
मत्ताकिसियागु रूपकया खुपुदंतनंसहितयाना विमानंणाहाविज्जाना धर्ममेघधयागु मुपाचं द्वाहाविज्जाना अन्नपुरे  
द्यनाच्चंस्स मायादेवीया जवगु न्ह्येपंद्यालनं द्वाहाविज्जाना जवगु व्यक्कस रत्नव्यूह धयागु मचाछेस प्रवेशजुया गर्भ  
वास यानाविज्जात ॥ थनंलिविमानेविज्जानाच्चंपिं मैत्रीबोधिसत्त्व प्रमुखं देवपुत्रपिं सकरुणं श्वेतकेतुबो  
धिसत्त्वं किसियागु रूपकया गर्भवासजू विज्जागुखया मतीविखादयाना तुषिताभुवनेसनु ल्पाहाविज्जात ॥  
मायादेवी सुखआनन्दनं द्यनाच्चंस्सया स्वप्ने हसनाचोने ॥ गथ्यधालसा ॥ चापुथ्यं तुयूगवर्णा खुपुदन्तदु लाहान्तिपु  
सु ॥ सुन्दर रक्तशिर न्यासिवनिगुचाल् वांला वज्रसमानं क्वातुस्यच्चंस्स किसिछल्लवया जिगु न्ह्येपंद्यालं द्वाहावया

॥ स्तरः ॥

॥ २५ ॥



गर्भवासयातधकाह्नन ॥ थथधका हंगुलिंत्रासं ह्यलंचाया उरवंधुखं स्वतनं छुंमखना आशादयेकाविज्यात ॥ ॥  
अहोआश्चर्य थठजि गथिंजागु श्वप्रेखन ॥ थथधका गवल्पसंमहं न्यनेनंमनना स्वयनंमनना श्वप्रेखनामात्रनंअ  
धिक आनन्द सुखजुल थथिंगु सुखजा गवल्पंमजूनि ॥ गथजोगिजनपिसं ध्यानयानाविज्याह्वले आनन्दसुखलाह ॥ व  
तोथं जितनंजुलधका ह्यमानयाना खातां क्वाहाविज्याना सखिपिं सकल्पंमुंका अन्नःपुरं क्वाहाविज्याना अशोकवनिका  
धयागु वगीचासविज्या शुद्धोदनमाहाराजायात दूतछोया विनित्याकेछोत ॥ ॥ माहारानीया आशाथं दूतपिवना  
शुद्धोदनमाहाराजायाके विनित्यात ॥ ॥ माहाराज माहारानी मायादेवीं छलपोलयात अशोकवनिकास विज्याहुंध  
का विनित्यानाहलधका विनित्यासंलि शुद्धोदन माहाराजाखुसिजुया मंत्रीभारदार पुरोहित दाजुकिजा चाकर वाकरपिं  
सकल्पंमुंका अशोकवनिकासविज्यात ॥ ॥ थवेलस गर्भसविज्याकह्न वोधिसत्वयागु प्रभावं अशोकवनिकाया ॥  
ध्वाकास थन्यमात्रां अकस्मात् छतांम्वाक ग्वाह्नथं पुनाह्नथं ह्य शकुस्यवया अशोकवनिकास द्वाहावन्यमफया  
क्षरामात्र विश्रामयाना मतीचित्तनायाना विज्यात ॥ ॥ अहोआश्चर्य थठजित छुजुल थथजा गवल्पंमजू ॥ शत्रु  
वनाप संग्रामयायवले ग्वाधयागु गवल्पंमदु थठ थवगु वगीचास द्वाहावन्यत ग्वाथंचोन ॥ थठजित छुजुल थवरं



॥ ललि ॥

॥ २६ ॥

मुयाकेन्यनेधका उखंथुखं मिखावोया स्वयाचंवले आकाशमार्गनं शुद्धावासकाशका धयाह देवपुत्रविज्याना शुद्धोद  
नमाहाराजायात आज्ञादयकाविज्यात ॥ हेराजन् शुद्धोदन छलपोलं गथ्यमसिल असंख्य वत तपयाना ग्यानगुणं  
पारंगत जुयाच्वंस्स वोधिसत्त्वं जगत् उद्धारयायेधका तुषिताभुवनं क्वाहविज्याना मायादेवीया गर्भस वासयानाविज्यात  
॥ थ्वसपोलयागु प्रभावं थथ्यजुलधका आकाशवाणीजुया आज्ञादयका अन्तरध्यानजुयाविज्यात ॥ थनंलि  
शुद्धोदन माहाराजं देवपुत्रं आज्ञादयकुगुन्यना लाहानिपां हाजोलपा आकाशेस्वया तथास्तुधका नमस्कारयाना अशो  
क वनिकायागु ध्वाकां द्वाहविज्याना मायादेवीया न्योन्यविज्या आज्ञादयका विज्यात ॥ भोपिये मायादेवी छंगु  
वचनन्यना जिथनवया छुधायेमालधा छंधागुजिंपुरेयानावीधका शुद्धोदन माहाराजां आज्ञादयकाविज्यागुन्यना  
मायादेवीं विनित्यात ॥ भोप्रभू मेतामखु थउयागुरात्री स्वप्रास ह्मनाचोन गथ्यधालशा च्वापुथ्यं तुयूगु व  
राजुया चन्द्रसूर्ययासिनं अतिरिक्त तेजजुया लाहानुति पुष्टजुया खुपुदनदया वज्रसमानं क्वातुगु ह्मजुया अतिवां  
लानाच्वंस्स ॥ स्वस्वं स्वयमगाक थथिंस्स किसिछह्मवया जिगु न्ह्यपनं द्वाहवया गर्भवास ज्वलधका ह्मनाचोन  
भिंला मभिंलाकपनास्वया विज्याहं ॥ न्यनेगुश्च्छाजुलधका माहारानीं विनित्यागुन्यना शुद्धोदन माहाराजां स्वप्नप

॥ स्तरः ॥

॥ २६ ॥



शिक्षा सिया च्वपिं वांस्त्रणापिं निमंत्रणा याक्यछोया न्ह्योन्यतयान्यनावीज्यात ॥ भोवास्त्रणापिं मायादेवीया अपुर्वकथं ह्य  
नाचोनधाल थ्वयाहेतुगथ्य भिलामभिला धका माहाराजां न्यसंपलि वास्त्रणापिसं मायादेवीयाके विनित्यात ॥ भोमाहारा  
नी छलपोलंछुधका स्वप्नेखन जिमित आज्ञादयेकाविज्याहुं धका वास्त्रणापिसं विनित्यागुन्यना मायादेवीं आज्ञादये  
काविज्यात ॥ ॥ भोवास्त्रणा जिह्मनाच्वंगु छिमितकने गथ्येधालसा च्वापुसमानंतुयवर्गा चन्द्रसूर्ययासिनं अधिक  
तेजहु ॥ लाहृतुति पुष्टपुष्ट ॥ खुपुदन्दद् साहासाहादक्कं वज्रसमानं क्वातु ॥ अतिसुन्दर स्वस्व स्वयेमगाक थथिंस्त्रकिसि  
छह्ववया जिगुन्हायपनं द्वाहावया गर्भवासयात धका ह्यनाचोन ॥ थ्वयाहेतुगथ्ये भिलामभिला धका माहारानीं आज्ञादयेक  
गु न्यना वांस्त्रणापिसं लग्नविचारयाना स्वप्नपरीक्षास्वया विनित्यात ॥ ॥ भोमाहाराणी मायादेवी छलपोलं स्वप्नेखंगु  
भिं ॥ संतान्यागु लक्षणाखनेद् छलपोलं मतीछुंविखादतया विज्यायमते ॥ रणिगु फुइगुभये छुंमहु ॥ सकल लक्षणां पुर्णजु  
या राजकुले कुलीनजुया विज्याइह्य माहात्मापुरुषं छलपोलया पुत्रधायेका जन्मजुइ ॥ तर छु धालसा थ्ववालखं कामभो  
गयायेगुली रसमयासे राजपदक्कं त्यागयाना भिक्षु धर्मसविज्याना लोकरक्षायइह्य बुद्धभगवान्जुया स्वर्गमध्ये पाताले चो  
नाच्वपिं देव दानव मनुष्यपिसं पुजायाये जोगपह्यजुया लोकयात अमृत रसत्वंका नृपयाइह्यजुइ धका विनित्यागुन्यना



॥ ललि ॥

॥ ३ ॥

शुद्धोदन माहाराजा खुसिजुया वांस्तरापित भोजनयाका प्रशादवियाछेत ॥ ॥ कपिलवस्तु महानगरे षण्णुधाकासं  
त्वाले २ सकभनंतया दानप्रदान याकल ॥ अन्नधास्ययात अन्न ॥ पानधास्ययात पान ॥ वस्त्रधास्ययात वस्त्र ॥ जाचकपिसं छु  
छुधकाफोन उगु उगुवस्तु धाक २ दानप्रदानयाका शुद्धोदन माहाराजं मतीचिंतनायाना विज्यात ॥ ॥ गथ्यधाल  
सा ॥ मायादेवी गर्भवतीजुल थ्वयात गनतयेमाली गनतसा थ्वयात सुखआनन्द जुश्रधका मती अंदोलयाना च्वंगुवे  
लस क्षणमात्रां चतुर्माहाराजापिं षण्णं विज्याना माहाराजायात आशिर्वादतया आज्ञादयेकाविज्यात ॥ ॥  
भोगजन् छलपोल छाये धंदाकयाविज्याना ॥ धंदाकयाविज्यायेमते जिपिमहुला ॥ मायादेवी विज्याकोत अन्नः पुर जि  
मिसं दयेकावी धका आज्ञादयेका च्वंगु वेलस देवराजश्रु विज्याना आज्ञादयेकाविज्यात ॥ ॥ भोगजन् छलपो  
लं धंदाकया विज्यायेमते ॥ जिमहुला चतुर्माहाराजपिनि विमानमदु स्वर्गे च्वंगु वैजयन्त समानग विमानहयावी धका  
आज्ञादयेका च्वंगु वेलस यामाधयाग भुवने विज्याना च्वपिं देवपुत्रपिं विज्याना आज्ञादयेकाविज्यात ॥ ॥ हेराज  
न् जिगु विमानखना थथिंस्सश्रु कोटिस्स मोहजुश्र अथिंरुविमान हयावीधका आज्ञादयेका च्वंगु वेलस तुषिता  
भुवनं देवपुत्रपिं विज्याना आज्ञादयेकाविज्यात ॥ ॥ हेराजन् मायादेवी विज्याकोत न्हापा श्वेतकोत बोधिसत्त्व

॥ स्तरः ॥

॥ ३ ॥



धायेका नृषिताभुवने उच्चध्वज धयाग विमानसविज्ञानाचोन ॥ थवसमानग विमान ह्यावीधका आज्ञादयेका  
विज्ञात ॥ थगुप्रकारं सुनिर्मित धयाग भुवनआदिं १३ गु भुवने च्वनाच्वपिं देवपुत्रपिनं विज्ञाना थथगु भुवने  
च्वंगुविमान ह्यावीधका आज्ञादयेका थथगु भुवने ल्पाहविज्ञाना थथगु विमानह्या राजकुलया वशपरी छचारवरं  
तयाविल ॥ ॥ थनंलिगर्भवासयाना विज्ञाकह्य वोधिसत्त्वं माहाव्यूहधयाग समाधियानाविज्ञात ॥ समाधियागु प्र  
तावं विमानपतिं मायादेवी खन्यदत ॥ वोधिसत्त्वनं मायादेवीया वक्कस पद्मासनयाना छो लाहानुति मिरवाआदिं  
इन्द्रियदक्कं पुर्णजुया मानु ह्यकंया दुनेच्वंगु तसवीर स्वयंथं दक्कपिनेखनेदु ॥ मलमुत्रआदिं अशुचिवस्तु छुं  
मखना आश्चार्यचायाधाल ॥ अहोआश्चार्य सन्सारेवंझा विष्णु माहादेव आदिं देवतापिसं गर्भवास याखले मल  
मुत्र आदिं दुर्गन्धनं सहित जुयेकाच्वन ॥ थसपोल चरमभविक वोधिसत्त्व ज्ञानिंति गर्भमल छुंमदु ॥ गर्भम  
ल मदुह्य तथागतजुहधका प्रसंशयातधका श्रीभगवानं भिक्षुसंघपिन आज्ञादयका विज्ञात ॥ ॥ हेभिक्षु  
गणापि विमानस चोनाच्वपिं देवकंन्यापिनि मती जिगुविमाने वोधिसत्त्वया माता मायादेवी विज्ञानाचोन मल्ये  
गनं मविज्ञाधका खुसिजुया टहल सेवायानाचोन ॥ ॥ मायादेवी गर्भवतीजुल धयाग समाचारसिया शुद्धोद



॥ ललि. ॥

॥ २८ ॥

न माहाराजाप्रमुखं देव मनुष्यपिनि सकस्यां मनोरथ पुराजुल ॥ ॥ गुरुनु बोधिसत्त्वं गर्भवासयाना विज्यात उखुनुयाग  
त्रीस अकस्मात्तनं पलेस्वां छुफो पातालनिस्पं थाहावया ६४ दोल जोजन दयाचंगु पृथिवी तज्याना वंसलोकंथाहावयाचोन  
थ्वपलेस्वां सुनानंमखं ॥ थ्वपलेस्वानस त्रिसाहस्र माहासाहस्र लोकधातुस उत्पत्तिजुयाचंगु वलदैगु रसदक्कंमुना पले-  
स्वानयापत्रस मधुविंवथं डुलु डुलुसनाचोन ॥ ॥ थुगुमधुविंदु वुह्मानंकया शुद्धगु वैदुर्यमणियागु भांजनेतया बोधि  
सत्त्वयात ह्याविल ॥ बोधिसत्त्वं भोजनयानाविज्यात छुयानागुपुराणं बोधिसत्त्वयात मधुविन्दु ह्याविल धालसा ॥ बोधि  
सत्त्वं बोधिचर्या वर्तयाना रोगीजुया च्चंसयात ओसधिविया विज्यात ॥ आसातयाच्चंसयात आसापुरे यानाविल ॥ शरणा  
ओहंसयात गवल्यंमतोतु ॥ ॥ हाकनं रसदुगुवसु फलफुल न्यागुदुसां नयेत त्वन्पत न्हापां तथागतपितं वल्पसंलि  
चैत्पयात वल्पसंलि श्रावकसंघपितं वल्पसंलि मां वौयात भागतया थमं भोजनयाइ ॥ थुगुपुन्यं माहावुह्माविज्याना ओ  
जोविन्दु दोहलपेहल ॥ थथिपिं बोधिसत्त्वपिसं मनुष्यलोके जन्मकया सकलत्यागयाना अनुत्तर ज्ञानलाना धर्मचक्रप्रवर्त  
नयाना लोकरक्षयाइ ॥ थथिपिं तथागतपिसं गर्भवास याइह मांया जवगु व्यकोस रत्नबूहदइ ॥ थुह्मकंन्यायाके बोधिसत्त्वपिं  
तुषिताभवनं द्वाहाविज्याना रत्नबूहे विज्याइ ॥ मलमुत्रआदिं दुर्गन्ध वयाचंगु गर्भस बोधिसत्त्वपिसं गवल्यं वासयाना विज्याइ

॥ स्तरः ॥

॥ २८ ॥



मखु ॥ ॥ थनयागुखं थुलि ॥ ॥ थनंलि गर्भसविज्ञानाच्चंस्स बोधिसत्त्वयात रक्षायायेधका देवराजइन्द्र चतुर्माहारा  
जापिं प्पहं ॥ यक्षकुलयाराजा वज्रपाणि थुपिंसकल्पं विज्ञाना अन्नःपुर रक्षायानाच्चन ॥ ॥ हाकनं उत्खिली धयाह  
उत्खिली धयाह ॥ ध्वजवती धयाह ॥ प्रभावती धयाह ॥ प्पहं देवकंन्यापिं विज्ञाना बोधिसत्त्वयागु ठहल सेवायानाचोन  
॥ ॥ गथरात्रीस गुं मिनइवले मियागुतेजं छगुजोजनतक खन्यइ वतोथं बोधिसत्त्वयागुतेजं न्यागुजोजनतक खन्य  
हु ॥ मायादेवीं गर्भसविज्ञानाच्चंस्स पुत्रयागु खालखयगु इच्छाजुया सोकवेलस नकतिनिं सुपाच प्पाहाओगु पलपसा  
थं तेज प्रकाशजुया विज्ञानाच्चंस्स पुत्ररत्नयागु खालखना कृतार्थजुया विज्ञात ॥ ॥ थुखुनुया रात्री वितयेजुया  
वसंलि सुथन्हापां चतुर्माहाराजापिं प्पहं २८ हं सेनापतिपिसं न्यासल जक्षगरापिंसंका बोधिसत्त्वयात दर्शनयायेधका  
शुद्धोदन माहाराजाया अन्नःपुरेविज्ञाना मायादेवी गर्भसविज्ञानाच्चंस्स बोधिसत्त्वखना वारंवार नमस्कारयानाचोन  
॥ ॥ थनंलि सर्वज्ञनाथ बोधिसत्त्वं चतुर्माहाराजापिं विज्ञागुखना जवगुलाह थनकया वावाधका लाहानं भाउ  
याना चोलापचिं तखाकाहुं कन आश्रमेविज्ञाहुं धका इमराविया विज्ञात ॥ चतुर्माहाराजापिसं सिया नमस्कारयाना आ  
श्रमे विज्ञात ॥ ॥ थनंलि बोधिसत्त्वं चतुर्माहाराजापिंत धर्म उपदेशविया चित्त संतोषयाना लाहसंका ल्याहुं धका वे



॥ ललि ॥

॥ २९ ॥

लाविया विज्ञात ॥ चतुर्महाराजापिसं बोधिसत्त्वं वेलाविलधका सीका बोधिसत्त्वयामाता मायादेवीव बोधिसत्त्वनिह्न-  
स्यातं प्रदक्षिणायाणा नमस्कारयाना थवगु भुवनेसंतुं ल्याहविज्ञात ॥ ॥ कपिलवस्तुमाहानगरे चोनाच्चपिं स्त्री  
पुरुष दारक हरिकापिं सकल्पं अन्नः पुरेवया न्हापां बोधिसत्त्वयात नमस्कारयात ॥ लिपा मायादेवीयात नमस्कारया  
त ॥ थुगुप्रकारं असंख्य देवनाग जक्ष गंधर्वपिं विज्ञात ॥ थुमिसनं न्हापां बोधिसत्त्वयात नमस्कारयाना लिपा मा  
यादेवीयात सन्मान्याना कुशल वार्तायात ॥ गथधालसा ॥ राजाव मंत्री निह्न नापचोना चोनिवले न्हाहओसानं ॥  
न्हापां जुजुयातनिं नमस्कारयाह वलपतिनि मंत्रीयात सन्मान्याह वतोथं जुलधका सीकी ॥ ॥ प्रथम प्रहरवित  
येजुया मध्याह्न जुसंपलि देवराज श्रद्धं आपालं देवपुत्रपिं मुंका धर्मउपदेश न्यनेधका विज्ञात ॥ ॥ देवराजश्रद्धं  
देवलोकपिं मुंका विज्ञागु यानं निस्पं खना वावा विज्ञाहुं २ धका लाहातिं इमरायाना सन्मान् याना सिंघासने विज्ञाका ध  
र्मउपदेशविया संतोषयाना वेलावियाछोत ॥ ॥ बोधिसत्त्वं लाहा नुति संकुसानं मांयात छुंदुःखमज्ज ॥ ॥ मध्यां  
नकाल वितयेजुया संध्याकाल जुसंपलि साहाभुवनया स्वामी ब्रह्मां आपालं देवपुत्रपिं मुंका ओजोविंदु ज्वनाविज्ञात ॥  
ब्रह्मां व जोविन्दुज्वोना ओगुखना बोधिसत्त्वं सत्कारयाना लाहा भाउयाना आश्रमकयना विज्ञात ॥ ब्रह्मां वचन लंघ

॥ स्तरः ॥

॥ २९ ॥



॥ पुनर्वार श्रीभगवानं आज्ञादयेकाविज्ञात ॥ हेभिक्षुगणापि कथय्यं राजकुमार गुलाफुना हिलादस्पलि जन्मजुयेन शुद्धो  
दन माहाराजाया राजकुले ३२ ता अपुर्वलक्षणा खन्पदयावल ॥ ॥ कुकु धालसा ॥ न्हाणं भनाखालस नानाप्रकारया  
स्वांमा उत्पत्तिजुया स्वांमुखवया वृश्थ्य२ चोना होयत तयार जुयाचोन ॥ पुखूपत्ति पलेस्वां चवस्वां उफोस्वां आदिं ल  
खंथहावया होश्थ्य२ चोनाचोन ॥ हाकनं नानाप्रकारया फलवृक्षे पृथिवी थाहावया फलसया वाग२ चाना पाकये  
जुयेत तयारजुया च्वन ॥ हाकनं दुम्बरसिं पिलासि वंगलसि अं चस्वां आदिं नानाप्रकारया गुहक्षे उत्पत्तिजुयावल  
॥ ॥ हाकनं रत्नं पूर्णजुयाच्वंगु पूर्णघट उत्पत्तिजुयावल ॥ ॥ राजाया अंतःपुरेदुकुतीसं रत्नयागु अंकुर च  
लिजायावल ॥ हाकनं नस्वा नस्वागु अत्तर फुरार नस्वाचिकं आदिं तयातयागु थलस पूर्णजुया भये२ वियावल ॥ हा  
कनं हिमालय पर्वतस चोनाच्वं पिं मचापिं सिंह वथांमुना कपिलवस्तु माहानगरेवया ध्वाकाया जवखवस पह  
राचोनाचोन ॥ हाकनं वनयामाशस चोनाच्वं पिं मचापिं किसि वथांवया शुद्धोदन माहाराजाया न्होन्पवया लाहा  
तिं नानाप्रकारयागु चिन्हचोयाचोन ॥ हाकनं मेखलां तियाच्वं पिं देवकं न्यापिं विज्ञाना शुद्धोदन माहाराजाया अंतः  
पुरे उखंथुखं चाचाउलाचोन ॥ हाकनं १२ दोल पूर्णघट उत्पत्तिजुया कपिलवस्तु माहानगरे छचाखरं चाउला



ललि

३१

चोन हाकनं आपालं नागकंन्यापिं विज्ञाना पुजायायेगु सामाग्रिज्वना आकाशेविज्ञाना

ये कावाध्याया रत्न वसु पुजायाये निष्ठावन्द्या मूल प्रिभाये स्वयाः स्वयाः विज्ञात । नो.सं. १०८४ पार्वे स्वयागु जुल ।